




# **Vermanu[n]g zum Sacrament des Leibs vnd Bluts vnsers Herrn**

<https://hdl.handle.net/1874/416656>



**Dit boek hoort bij de Collectie Van Buchell  
Huybert van Buchell (1513-1599)**

**Meer informatie over de collectie is beschikbaar op:**

<http://repertorium.library.uu.nl/node/2732>

**Wegens onderzoek aan deze collectie is bij deze boeken ook de volledige buitenkant gescand. De hierna volgende scans zijn in volgorde waarop ze getoond worden:**

- de rug van het boek
  - de kopsnede
  - de frontsnede
  - de staartsnede
  - het achterplat

**This book is part of the Van Buchell Collection  
Huybert van Buchell (1513-1599)**

**More information on this collection is available at:**


<http://repertorium.library.uu.nl/node/2732>

**Due to research concerning this collection the outside of these books has been scanned in full. The following scans are, in order of appearance:**

- the spine
- the head edge
- the fore edge
- the bottom edge
- the back board


E. qu.

334













Theologia

Quarto n°. 334.



FRANCA







Uermanüg zum  
Sacrament des  
leibs vnd bluts  
vnfers HERRN.  
Adart, Luther.  
Wittenberg.  
M. D. XXXI.

# Vermanung zum Sacrament

des leybs vnd blüts vnfers HERRN.

Adartinus Luther.



**D**as man durch die gantzē Chri-  
stenheyt/in aller welt die vnmündigen kinder tauf-  
fet/vnd nicht harret/biß sie groß werden/oder zur  
vernunft kumen/duncket mich auß sonderlichens  
rat vnd fürsehen Gottes geschehen vnd auffkum-  
men seyn. Vnd wo man yetz solt die groffen vnd alten tauffen/  
halt ich warlich/das sich das zehende teyl nit liesse tauffen/Ja  
wir weren gewißlich (so vil an vns lege) lengest/lengest/eytel/  
eytel Türcken worden. Dañ welche nit getaufft weren/die wur-  
den zū der Chriſten predig nit gehen/vnd alle jr lere vnd wesen/  
weyl es eytel heylige frume leute machen wil/verachten/wie sie  
doch yetz thūn/ob sie gleich getaufft sind vnd Chriſten seyn wöl-  
len. Wenn nu solcher vngetauffter hauffe vberhand neme/was  
solt anders bald drauß werden/den ein lauter Türckenthum oder  
haidenschafft? Vnd ob gleych etliche wenig dunder weren/die  
zū der Chriſten predig giengen/die wurden doch die tauffe auff-  
schieben/Bis auff das letzte stündlin/wie man yetz thūt mit der  
Büße vnd besserung des lebens.

Vnd ich thurst wol theür vnd hoch drum wetten/ob nit der  
teuffel durch die Rotten geyster vnd Widertauffer/ solchs alles  
im sinn habe/damit/das er die Kinder tauffe auff hebt/vnd wil  
eytel alte groffen tauffen/Dañ seyne gedancken stehen gewißlich  
also/Wen ich die kinder tauffe weg hette/so wolt ich mit den al-  
ten den wol handeln/das sie die Tauffe wurden verziehen vnd  
auffschieben/Bis sie außgebübet hetten/oder bis auff das letzte stünd-  
lin/ Neben solchem auffschub/wolt ich sie seyn von der predig  
halten/das sie mir nichts/weder von Christo noch der tauff lern-  
ten noch hieltē/so hette ich zū vor/den groffen hauffen in der welt  
mit gewaltigen exempeln/als Türcken/Persē/Tattern/Jüden/  
vnd Hayden/das sie zū letzt wurden verruchen vnd sagen/ Was

tauffe! Was Christen! wo der hauffe bleybt/da bleybe ich auch/  
Weynstu das Got vmb drey oder vier Christen willen/alle welt  
verdammnen werde! Was solt ich bey den verachten/wenigen/bet  
lern vnd ellenden leuten leben!

S. Augustinus schreibt von sich selbs/das seyn müter vnd an  
dere güten freund/mit seynere tauff verzogen haben/vnd wolten  
in nit lassen tauffen in der jugent/auff das er nit hernach drauff  
in sunden fiel/Sonder wolten harren / Bis er vber die jugent hyn  
were/vnd die tauffe deste fester halten möcht. Dise güte meinung  
geriet dahin/das S. Augustinus/ye lenger ye weyter/Beyde vor  
tauff vnd Euangelio kam/Bis er in der Manicheer ketzerey fiel/  
vnd beyde auß Christo vnd seynere tauffe das gespöck hielt/Bis in  
sein dreysigst jar/vnd auß der massen schwerlich zu Christo auß  
der Ketzerey kam/das seyn müter manche heysse trehern düber  
vergoß/vnd also büßen muste/ir güte meynung vnd andacht/  
das sie ires suns tauffe hatte helfen verziehen.

Dan der teuffel sibet wol/wie on das die leute/so roh vñ Gots  
loß sind/das das zehende teil nichts darnach fragt/was die tauff  
sey/vnd auch schier nymer dran gedencet/noch Got danckt/das  
es getaufft sey/wil weniger/das sie der tauff sich solten annemen  
vnd nit würdigem wandel der selbigen gleych leben/Was solt  
dann werden/wenn sie gar nicht getaufft/vnd die predig nicht  
höretent/So es yetz mühe hat Christen zu seyn vnd bleyben/wen  
man gleych täglich leret/bittet vnd die tauffe vbet/vnd ist den  
noch solche tauffe vnd lere/ein gros vorteyl vnd starcke verma  
nung/die zu lezt etliche müß bewegen/das sie weyter dencken/  
dann ein vngetauffter hayde.

Das alles kan yederman wol mercken vnd greyffen an disem  
stück/das yetz die leute so gering achten das heylige Sacrament  
des leybs vnd blüts vnserz HERRN/vnd stellen sich dagegen/  
als sey nichts auff erden/des sie weniger dürffen/dan eben dises  
Sacraments/vnd wöllent dennoch Christen heysen/Lassen sich  
duncken/weyl sie nu vom Bepflichen zwang frey sind worden/  
sie seyen gar nit mer schuldig dis Sacraments zu brauchen/Son  
der mügen seyn wol emperen/vnd frey on alle sünde verachten/  
Vnd wenn solch Sacrament nirgent gebrauchet würde/oder gar



untergieng/das were in gleich vil. Damit zeygen sie an vñ bekenn  
nen mit der that/wie gar mit grosser andacht vnd lieb/sie vorhin  
zū diesem Sacrament gangen sind / da sie vom Bapst darzū ge  
zwungen wurden/ Vnd wie seyne Christen sie gewesen sind / Auch  
lernt man darauff / wie gar seyn man die leute mit zwang / Chri  
sten vnd frum machen kan/wie der Bapst mit seinen gesezen sich  
vnterstanden hat/nemlich/das eytel falsche/heuchler/vnwillige  
vnd gezwungene Christen drauff worden sind. Ein gezwungen  
Christen aber/ist ein seer frölicher angenemer gast im himelreich  
da Got sonderliche lust zū hat/vnd wirt in freilich vnter die En  
gel oben an setzen/da die Stelle am tieffesten ist.

Ich besorg aber vnd halts dafür/das solchs alles sey ein gross  
teil auch vnser schuld/die wir Priediger/Pfarherr/Bischoffe vnd  
seelsorger sind/als die wir die leut so lassen hin gehen/in irem ey  
gen sode/vermanen nit/treiben nit/halten nit an/wie doch vnser  
ampt fodert/Sonder schnarcken vnd schlaffen / ja so sicher /als  
sie thün/dencken nit weyter/dañ/wer da kumpt der kumpt/Wer  
nit kumpt/der bleybe aussen/Vnd faren so zū beyden teylen / das  
wol besser rüchte/Dañ dierweyl wir wissen/das der hellische Sa  
tan vnd fürst diser welt nit seyret/sonder mit seynen Engeln tag  
vnd nacht vmb her gehet/vnd beyde vns selbs vnd die leute an  
sicht/auffhelt/hindert/saul vnd lessig macht zū allem Gottes  
dienst/damit er beyde tauffe/Sacrament/Euangelion vnd alle  
Gottes ordnung zum wenigsten schwache/wo er nicht mag gar  
dempffen/So solten wir ja widerumb dagegē dencken/das wir  
vnseres HERRN Christi /Engel vnd wechter weren/die wider  
solche teufls engel/täglich solten vber das volck wachen vnd  
wacker seyn/mit vnablessigem treyben/leren/vermanen/reyzen  
vnd locken/wie S. Paulus seinem lieben Timotheo befilhet/das  
mit der teuffel doch nit so gar sicher vnd on widerstandt/vnter  
den Christen seynen mitwillen vben müste.

Derhalben wil ich hiemit/beyde mich selbs vnd alle Pfarherr  
vnd Priediger/mit fleysch vnd ganzem ernst gar brüderlich gebets  
ten haben/sie wolten hierin sampt mir/ein fleissig auffsehen auff  
das volck haben/welchs Got/als seyn eygentum/durch seynes  
suns blüt erworben vnd zur tauff vnd seynem reich beruffen vnd

bracht/vns Befolhen/hat/vñ gar strenge rechnung dafür fordern  
wirt/wie wir das alles wol wissen/Deñ wo wir/so das ampt vñ  
Befelh haben/hierin leffig vnd faul sind/so müssen wir lang har  
ren/ehe das volck von jm selber sich vermanet vnd herzu kumet/  
So es doch noch schwerlich kumt/wen wir gleich auff's hertest  
anhaltten. Dan/wie gesagt/der teuffel ist da/mit seynen engeln/  
vnd weret/Auch so müssen die leut auff vns sehen vñ vnser wort  
hören/vnd nit widerumb wir auff sie vñ jr thun sehen. Vnd was  
solt das predig ampt vnd Pfarr ampt/wo sich das volck selbs le  
ren vnd vermanen kündte? Christus hette es wol mügen behalten  
vnd nit so theur dürffen erarnten/Vnd was sigen wir dan auch  
in solchem ampt/so wir nit das leren vnd vermanen treiben wöl  
len/Mit der weyß würden wir gar nichts besser oder velleicht er  
ger seyn/dan bißher gewesen sind/Bepste/Bischoffe/Pfarrherr/  
vnd Mönche/die auch des volcks lauter nichts sich haben ange  
nummen/weder mit leren noch vermanen.

Wiewol ich weyß/das etlich leut so gar verrücht vñ verstockt  
sind/das sie sich gar an keyn lere noch vermanen kerē/Wie sollen  
wir dem thun? Wir werdens nit besser haben/dan Christus vnd  
seyne Apostel sampt allen Propheten selbs gehabt haben/Chris  
tus sprich Matt. 11. Das seyne Jüden weder tanzen noch trau  
ren wöllen/man pseyff oder heul. Vnd S. Paulus .2. Timo. 4.  
Spricht/es wirt die zeyt kumen/das man der heylsamen lere nit  
leyden wirt/Noch gepeut er/das man darumb nit sol ablassen/  
sonder getrost anhalten/mit füg vnd vnfüg. Dan wir wissen wi  
derumb/das Leren vnd Vermanen/Gottes wort/ampt/vnd Be  
felh ist/vnd wie Isa. 55. sagt/on frucht nicht abgehen kan/vnd  
sollts auch nur eynen Zacheum/oder eynen Zollner/oder eynen  
schächer am Creuz gewinnen/Es werden ja noch etliche vorhan  
den seyn/wenn sie hören die vermanung/das sie an ire tauffe ge  
dencken werden/vnd nit gern wolten/als die vnchristen/jr Sa  
crament verachten/welchs in Christus so reychlich geschendet/  
vnd so theur erworben hat/An welcher exempel sich zu lezt die  
rauben/roben/losen Christen auch stossen würden/vnd velleicht  
anders werden/wie ein messer das ander wezet.

Nicht das ich hiemit wil geraten haben/die leute mit gesezen

auff bestympte zeyt vnd tag zum Sacrament zü treyben/wie es  
der Papsst gefasset hat/Dann damit hat der Papsst im selbs vnd  
den Pfarhern faule sicher tage geschafft/das sie nit haben dürff-  
fen arbeyten/mit leren vñ treiben zum Sacrament/sonder hat die  
gewissen gefangen vnd gezwungen/das sie on lust vnd willen/  
on nutz vnd heyl hynzū gelauffen sind / vnd nit ein Sacrament  
des glaubens /sonder ein werck des verdiensts drauß gemacht/  
Vnd hette freylich der teuffel keyn neher noch mechtiger griffe er-  
dencken können/das Sacrament gar zü vernichtigen/den mit sol-  
chen gesezen/Da ist der scheyn vñ die hülffen bliben/aber der kern  
vnd krafft weg genumē/das niemant gemerckt hat. Müß gleich  
wol heissen ein Sacrament Christi/so doch nichts dan opffer vñ  
werck der menschen drauß gemacht war/Vnd das predig ampt  
hat doch Got nit dazū gestiftet/das es im solle sichere faule Predi-  
ger/vnd vnwillige gezwungene Chriſten machen/Vnd wer nit  
willig vnd gern ein Chriſt ist/oder zum Sacrament gehet/der  
bleib nur weyt dauon/vnd fare wo hin er feret/Got mag keynen  
gezwungen dienst haben/wie Paulus sagt. 2. Cor. 9. Einen frö-  
lichen geber hat Got lieb/Sonder dazū ist es gestiftet/dz es die leut  
sol herzū pängen/locken vnd zihen/das sie willigtlich vnd gern  
kumen/sa das sie darnach mit gewalt lauffen/ringen vñ dringen  
wie Christus spricht/Matth. 11. Das reych Gottes leidet gewalt/  
vnd die gewalt vben/reiffen es zü sich/Er wil nit haben die vber-  
drüssigen/ekeln/satsamen seelen/sonder die hungerigen vnd dur-  
stigen/die sich drumb dringen vnd reysen/wie er sagt/Matt. 5.  
Selig sind die hungerigen vnd durstigen/nach der gerechtigkeit.  
Dann sie sollen satt werden.

Darumb wil ich hiemit den Pfarhern vnd Predigern vnsa-  
chen geben/ir volck zü vermanen/vnd zum Sacrament zü locken  
vnd etlich sachen anzeigen/damit man sie bewegē sol/das sie wil-  
ligtlich vnd on menschen zwang zum Sacrament gehen/vñ mit  
lust dasselbig empfangen/wie ich solchs auch zū vor im Catechis-  
mo gethan hab/Welche prediger nu solchs besser können mache  
die dürffen dises sermons nit/ist gnüg/dz sie dazū vermanet sind.  
Die andern aber/so es nit besser können/möchten wol hierauf et-  
liche stück auffzeichnen/oder von wort zü wort dem volck vor les-

sen/wo es in gefellt/Damit doch mit dis Sacrament so gar dar  
nider lige vnd veracht werde. Vnd wil die vrsachen in zwey teyl  
stellen. Die erste/betrifft Chrustum selbs/Die ander/vns/die wir  
Chrusten seyn wollen.

## Von der Ersten.

**A**S solt ja billich eynem Chrusten wol bewußt sein/das solch  
Sacrament nit von menschen ertichtet noch erfundē ist/son  
der von Chrusto selbs/auf Gottes seines Vaters willen vñ Befelch  
gestift vnd auffgericht ist. Auch nit für die hunde/seru/holz od  
steine/sonder für vns menschen/vnd sonderlich für vns Chrusten  
auf grosser hertzlicher grundloser liebe geordnet vnd eyngesetzt  
ist/zü geprauchen/Wo aber ein Chrustlich hertz solchs bedenckt/  
wie ifts möglich/das nit solt mit andacht bewegt werdē/dassels  
Bige williglich mit lust vnd liebe zü suchen vnd zü Begeren on al  
len zwang vnd gefezē Wirts aber davon nit bewegt/so ist keyn  
fund noch tropffen Chrustlicher gedanken in demselbigen hert  
zen/vnd ist on zweyfel ein vnchrustlichs/Türckisch/Heydenisch  
hertz/das da gewißlich nit glaubt/das dis Sacrament Chrustus  
eyngesetzt vnd befolhen hab zü geprauchen/Vil weniger glaubt  
es/das Chrustus vns solchs/auf grundloser hertzlicher liebe ge  
ordnet hab/Dañ wo der exnes warhafftig geglaubt wirt/da kan  
ein hertz sich nicht so laß/faul/vnd verechlich dazü stellen.

Darumb sehe ein veglicher auff sich/vnd prüfe sein eygen hertz  
Erstlich ob er auch glaube/das Chrustus Gottes sun/solch sacra  
ment vns menschen gestift vñ gelassen habe/zum andern/ob er  
auch glaube/das ers so hertzlich vñ trewlich/auf grundloser lie  
be mit vns gemeynet hab/Glaubstu des nit/so wisse/das du kein  
Chrusten/sonder ein abtrünniger verdampfer seid vñ Türck bist  
Dan du heltest gar nichts/weder von Chrusto/nach von seyner  
Befelch/weder von seyner liebe noch trew gegen dir/sonder du stel  
lest dich/als sey es alles erlogen vñ eytel narren werck/Glaubstu  
es aber/so wirt derselbig glaube dir in deynem hertzen ein solche  
predig thun/vnd sagen/Du wilt ein Chrust seyn/vnd weyst/das  
Chrustus Befelch vñ ordnung ist/dis sacrament zü prauchen/Aber  
du lest es ansteen ein halb jar/gantz jar/drey jar vnd wol lenger/

Hörstu es lieber juncker! Wie reimet sich das mit einem Christen!  
Was gilt's/du wirst vber solcher predig dich vor dir selbst sche-  
men vn fürchten! Geschicht solche predig mit in deinem hertzen/so  
ist der glaub nit da/das dis sacrament Christus stift sey/vn dein  
maul lenget/wen es sagt/das du solchs wol glaubest. Vnd bist  
ein zweifeltiger heide/vn erger den kein türck/Den du glaubst nit  
(Dz ist eins) vn lengst noch dazu/das du sprichst/du glaubest es.

Also sihestu vn müst bekennen/das alle lügen/falschs lebē/ver-  
achtung götlicher ordnung/tragheit/faulheit vn lassheit zum sa-  
crament/dazu vnd anckbarkeit vn vergeffung solcher vnaußspre-  
chlicher liebe Christi zu vns/fleust vnd kumpt alles vn alles auß  
dem vnglauben/das ein hertz nit glaubt/dis Sacramēt sey Chris-  
tus liebe vnd hertzliche ordnung/Den was ein hertz nit glaubt/  
das kan auch nit achtē/ehren/lieben noch loben/Vnd was man  
veracht/lest/od vergift/da ist ein gewis zeichen/das man nichts  
danon helt/glaubt auch nicht dauon/nimpt sichs auch nichts an  
Widerumb/was man glaubt vnd für gewis helt/das kan man  
nit verachten/es sey gut oder böse/Ists gut/so liebet vn begert es  
das hertz/ists böse/so fürcht vnd schühhet es das hertze/wie wir  
erfahren/das solchs auch im falschen glauben vn irrigen wan ge-  
schicht/da sich eyner fürcht da keyn forcht ist/vnd frewet da keyn  
freud ist/so gar ein vnrußig vn schefftig ding ists vni ein glaube.

Darumb sollē die prediger dem volck dise erste vsach wol für  
bilden/das sie zusehen vnd ja glauben/das dis Sacrament Got-  
tes gnedige vnd väterlich ordnung ist/für vns menschen gestift  
Niemand zwingen wir hiemit zum glauben/aber wir zeigen an  
was zum glauben gehöret/vn wer ein Christ sein wil/das er wiß  
was vnd wie er glauben solle/Damit er sich selbst nit vnter dem  
Christlichen namen vnd scheyn betriege vnd halte sich für Chri-  
sten/so er doch ein vnchrist vnd heide/ia wol erger dan ein heid  
vnd vnchrist ist. Wil yemand darüber Christum verleugnen/ein  
vnchrist sein vnd vnglaubig bleyben/den lassen wir saren vnge-  
zwungen/vnd fragen auch nach im nicht/on das wir im sagen/  
Wer nicht glaubt/der ist verdampft/Er wirt seynen richter vnd  
zwingen wol finden/Wir sind entschuldigt vn haben das vnser  
gethan/Dan es ist Gott keyn scherz noch vergeblicher anschlag  
gewest

gewest/das er vns menschen dis Sacrament gestift vnd eynges  
setzt hat/Darum wil ers auch nit veracht/müssig noch vngeprauch  
chet haben/vil weniger / das mans für eyn vnnötig vnd gering  
ding halte/sonder wil/das mans prauchen vnd wol vben sol.

Vnd wen es gleich ein solch schlecht Sacramēt were/das vns  
weder nutz noch not / als das vns weder gnad noch hülff gebe/  
sonder allein ein bloß ledig gepot vnd gesez Gottes were/der es  
von vns fodert zü geprauchen/auf seiner götliche macht/der wir  
vnterthan vnd gehorsam schuldig sind/so solt es doch desselbigē  
gepots halben allein/vns gnügsam treiben vnd reizen/das wirs  
nit verachten/nach vnnötig oder gering hieltē/sonder mit allem  
ernst vnd treuem gehorsam fleissig vbeten vñ hoch ehreten /sin  
temal nichts größers vñ herlicher sein kan/dan was Got gepent  
vnd durch seyn wort befihet/In aber ist es nit eyn solch schlecht  
Sacrament/das ein ledig ploß gepot sey/das wir on nutz vñ not  
vben müßten/wie die Juden jr opffer vnd eusserliche gederde on  
nutz vnd not/allein zur last vnd pflicht halten mußten/damit sie  
gezwungen vñ gefangen waren/wie die leibeigen oder fronleute  
sind im weltlichen regiment/Sonder es ist ein gnadenreich Sa  
crament/voller nutz vnd heils/dazü vnzelicher vñ vnansprech  
licher güter/Darumb es nit allein vnueracht vñ vnuergeffen/son  
der anffs höchst geehret vnd fleysigst sol gepraucht werden.

Vnd das wir das zum teil anzeygen/so sihe zum ersten das an  
das er dis Sacrament hat eyngesetzt/zü seynem gedechtnus/wie  
er spricht/Solchs thut zü meinē gedechtnus. Dis wort/Gedeche  
nus/mercke vnd bedencke wol/es wirt dir vil anzeigen/vnd dich  
fast seer reyzgen. Ich rede aber yetz noch nit von vnserm nutz vnd  
not/so wir im Sacrament suchen mügen/sonder vom nutz/der  
Christo vnd Got selber drauß kumet/vnd wie not es ist/zü seiner  
Götlichen ehre vnd dienst/das mans fleysig prauche vnd ehre.  
Dan du hörest hie/das er seyn götliche ehre vnd Gottes dienst in  
dis Sacrament stelt/das man sein hierin gedencen sol/Was ist  
aber/sein gedencen anders/den sein gnad vñ barmhertzigkeit p  
sen/zühören/predigen/loben/dancken/vnd ehren/die er vns im  
Christo erzeigt hat/Auff welchen Christum er alle seine ehre vnd  
Gottes dienst gewisen vñ gezogen hat/das er auffer dem Christo

kein ehre noch Gottes dienst wissen wil/ ja auch nit erkñet/ noch yemants Got seyn wil/ vñ darüber auch seynen eygen alten gots dienst im gesez Mofi gegeben/ verdampft vnd auffgehoben hat/ sampt allen Gottes diensten in der ganzen welt/ sie seyen wie groß/ schön/ alt oder herrlich sie ymmer seyn mügen.

Weil nu ein yeglicher geneigt vñ andechtig seyn wil/ Christus leiden zü ehren/ vnd Got eynen dienst zu thün/ vnd eyner dis der ander das für nimpt/ Eynere laufft gen Rom/ der ander wirt ein münch/ der drit fastet/ Vnd wer kan alle die Gottes dienst erzelen? die wir das auß teufels eingeben vñ eigner andacht bißher gestiffet vnd gehalten haben/ damit wir disen hohen schönen Gottes dienst/ nemlich/ sein gedechtnus vnd die ehre des leidens Christi/ verfinstert vñ vergessen haben/ welchen Got selbs gestiffet vnd bezeugt hat/ das er jm herzlich wol gefall/ Vnd hat in also gestiffet das er nymer mer kan außgedient/ noch gnüg gehalten werden. Dan wer kan Gottes gnügsam gedencen? Wer kan in zü vil loben? Wer kan in zü seer dancken? Wer kan Christus leyden zü vil ehren? Warum haben den wir tollen heyligen/ so schendlich das hin geschwermet/ als hetten wir in disem Sacrament keinen gottes dienst/ oder hetten denselbigen lengest außgericht vnd gar abgedienet? haben daneben vnd darüber so vil schendlicher/ greülicher/ stinckender Gottes dienst/ eigner andacht vnd selb erwelten werck angericht/ vnd die welt damit erfüllet/ dazü disen rechten Gottes dienst verleugnet/ geschendet vnd gelestert/ Wiltu nu Got eynen herlichen grossen Gotsdienst thün/ vnd Christus leyden recht ehren/ so dencke/ vnd gehe zum Sacrament/ darin (wie du hörest) seyn gedechtnus ist / das ist / seyn lob vnd ehre/ Vnd vbe damit/ oder hilff das selbige gedechtnus mit fleiß vben / so wirstu der selb erwelten Gots dienste wol vergessen/ Dan (wie gesagt) du kanst Gott nit zü oft oder zü vil loben vnd dancken/ für seyne gnade in Christo erzeygt.

Es scheynet wol ein geringer Gots dienst sein/ solch gedechtnus/ weyles nit vil eusserlichs prangens treybt mit kleydern/ geperden/ gepewen vnd dergleichen/ damit die augen vnd oren gefüllet werden/ Sonder alleyn mit dem mündlichen wort wirt außgericht/ welchs vor den augen auff erden eyn geringes anse

hen hat. Aber wie hoch vnd herrlich es sey vor Gott vnd seynen Engeln/kan kein aug sehen/noch ore hören/noch hertz begreiffen/Gottes wort vnd werck sind allzu mal am ersten geringes ansehens/darumb wollen sie mit fleiß vnd ernst bedacht seyn/Wer das thut/der findet sie/wie groß sie sind. Er spricht selber/Psal. 50. Danckopffer preysset mich. Was ist das anders gesagt den so vil! Danckopffer gibt mir meyne Göttliche ehre/Es macht mich zum Got/vnd behelt mich zum Got/Gleich wie widerumb/die Werckopffer nehmen im seyne Göttliche ehre/vnd machen in zum Gözen/vñ lassen in mit Got bleyben/Dan wer mit danckt/sonder verdienet wil/der hat keynen Got/vnd macht inwendig in seynem hertzen/vnd außwendig in seynen wercken/eynen andern Got auß dem rechten Got/das ist vnter dem namen des rechten Gottes/wie er offit in Jesaia vnd andern Propheten klagt/vnd im ersten gepot gar hart verpönt/das man keyne Götter machen/auch in selbs mit anders machen sol.

Wiltu nun ein Gotmacher werden/so kum her/höre zü/Er wil dich die kunst leren/das du nit feilest/vnd eynen Gözen/sonder den rechten Got zum rechten Got machest/Nit das du sein götliche natur machen söllest/den dieselbig ist vñ bleibt vngemacht ewiglich/Sonder das du in kanst dir zum Gott machen/das er dir/dir/dir/auch ein rechter Gott werde/wie er für sich selber ein rechter Got ist/Das ist aber die kunst/kurz vnd gewis dargegebē

**DAS THVT ZV MEJNEN GEDECHTIS/**

Lerne seyn gedenccken/das ist/(wie gesagt) Predigen/preisen/lobben/zühören vñ dancken für die gnade in Christo erzeugt. Thust du das/sihe/so bekennest du mit hertzen vnd munde/mit oren vnd augen/mit leib vñ seel/das du Got nichts gegeben habest/noch nist gest/sonder alles vnd alles von im habest vñ nimest/sonderlich das ewig leben vnd vrentlich gerechtigkeit in Christo/Wo aber das geschicht/so hastu in dir zum rechten Gott gemacht/vñ nit solchem bekentnis seyn götliche ehre erhalten/Den das heyst ein rechter Gott/der da gibt vnd nit nympt/der da hilfft vnd nit in helffen leßt/der da leret vnd regiert/vnd sich nit leren noch regieren leßt/Summa/der alles thut vñ gibt/vnd er niemants darff/vnd thut solchs alles vmb sunst/ auß lauter gnaden on verdienst/den



vnwürdigen vnd vmerdienten // sa den verdampfen vnd verloren  
nen/ Solch gedechnus/ bekentnus vnd ehre wil er haben.

Sihe/ diser Gotts dienst gehet daher wol on alle pracht/ vnd  
füllet die augen mit nach dem fleisch/ er füllet aber das hertz/ wel-  
ches doch sunst weder himel vñ erden füllen mag/ Wenñ aber das  
hertz vol ist/ müß auch als den beide/ augen vnd oren/ mund vnd  
nasen/ leib vnd seel vñ alle glider vol sein/ Dañ wie sich das hertz  
helt/ darnach halten vnd stellen sich alle glider/ vnd ist alles vnd  
alles eytel zungen/ vol lobens vnd danckens gegen Got/ Das ist  
denñ wol ein ander schmuck vnd zierde/ weder die gulden Tafeln  
Ja / Keyser / Könige/ Papsst kronen/ aller kirchen vnd aller welt  
schmuck vnd prangen ist ein vnflut gegen dise herliche Gedeche-  
nus Christi/ Vnd eyn gedanken von diesem Gots dienst/ klingen  
heller/ lauter besser/ schallet weyter/ denñ alle dünneln/ puffsauen/  
orgeln/ glocken/ vñ was auff erden lauten mag/ wenñ sie auch als  
le auff eynem hauffen weren/ vnd alle zu gleych mit aller macht  
klängen. Sihe/ das ist wol ein ander klang vñ gesang/ weder als  
ler gesang vnd klang auff erden/ vnd lauter doch gering von auf-  
sen zum oren hinein/ aber von ynnen auß dem hertzen herauß lau-  
tet er also starck/ das dich alle creatur dancken/ dasselbige klingen  
vnd aller menschen gesang eytel stummen vnd taub seyn.

Das aber/ Got loben vñ dancken/ sei eben so vil/ als Got schmü-  
cken vnd zieren / stehet klerlich im liede Mosi/ Exo. 15. Das ist  
mein Got/ den wil ich ziere/ meins vaters Got/ den ich wil hoch  
loben. Sihe/ da hörestu/ wie du kanst deinen Got schön machen  
schmücken/ zieren vnd auffß aller feynest malen/ kranz vnd kro-  
nen auff setzen/ mit spangen vnd keten behengen/ vñ darffest kein  
gelt noch erz dazu/ Sondern mit hertzen glauben/ vnd mit dem  
mund loben/ mit den oren seyn lob vñ gnade hören/ vnd wie mer  
doben gesagt ist/ Wer solch zieren vnd schmücken seynem Gott  
mit geben wil/ Was solt dem anders widerfaren? Denñ das er ins  
teuffels namen verplendt vnd toll werde/ Fare dieweyl zu/ vnd  
schmücke dafür hülzen vnd steinen bilde/ male tafeln vnd wend  
ziere altar vnd kirchen/ kleyde mit gold vnd seyden die opfferpfaf-  
fen/ Vnd wende alle sein güt vnd macht an stift/ klöster/ walfar-  
ten vnd ander mer falsche verdampfte eygen Gots dienste/ Tliche

Das ich eufferlichen schmuck ganz verwerffe/ Sonder das er nit sol ein Gots dienst heissen/ vil weniger disen einigen rechten gottes dienst hindern oder vertunckeln/ Sonder wil er nutz sein/ das er disen Gottes dienst des danckes furdere vnd dazu helffe/ oder sey verdampft sampt allen andern wercken vnd verdienst/ damit man Gots gnaden gewinnen oder kauffen wil.

Wen du nu kein ander visach noch nutz hettest in disem Sacrament/ den allein solch gedechtnus/ soltestu nit an demselbigē treybens vñ reizens gnüg finden! Solt nit dein hertz also zu dir sage! Wolan/ wen ich sunst gleych keynen nutz dauon hette/ so wil ich doch meinem Got zu lob vnd ehren hingehen/ wil im helfen sein götliche ehre erhalten/ vnd auch mit daran seyn/ das er ein rechter Got gemacht werde/ Kan oder muß ich nit predigen/ so wil ich doch zühören/ Dan wer zühöret/ der hilfft auch dancken vnd Got ehren/ sintemal wo kein zühörer were/ da künd kein prediger seyn/ Kan ich nit zühören/ so wil ich dennoch vnter den zühörern sein/ vnd wil zum wenigsten mit der that/ mit dem leyb vnd meynen gelidern da seyn/ da man Got lobet vnd ehret/ Vnd wen ich gleich nit mer thün kündte/ so wil ich doch das Sacrament eben darumb empfangen/ das ich mit solchem empfangen/ bekennen vñ zeugen mag/ das ich auch der eyner sey/ der Got loben vnd dancken wölle/ vnd wil also meinem Gott zu ehren das Sacrament empfangen/ vnd solch empfangen sol meyn gedechtnus sein/ damit ich an sein gnad dencke vnd dafür dancke/ in Christo mir erzeigt.

Dan es ist nit ein geringes thün/ das yemandt gern vnter dem hauffen ist/ da man Got lobet vñ danckt/ welchs die alten väter mit tieffem seufftzen gewünscht haben/ wie der. 42. Psalm sagt/ Ich wolt gern hinüber faren mit dem hauffen/ vñ mit jnen zum hauff Gottes gehen/ im dohn des rümes vnd dancks vnter dem hauffen die da seyren. Vnd im schönen Confitemini/ Es ist eyne stün der freuden vñ des heills in den hütten der gerechten/ vnd der gleichen vil mer/ Dan wer vnter dem hauffen ist (so er nit falsch ist) d ist teilhafftig aller ehren vñ dancks/ so Got daselbs geschichte Darumb müstu ja ein verzeyfelter schelm seyn/ weyl du Gott solchen dienst vnd solche groffe ehre thün kanst/ vnd dich weder kost noch mühe gestehet/ sonder mit willigem zühören oder mit

leiblichem empfangen/vñ mit danckbarm hertzen alles kanst anß  
richten/vnd wilt doch deynem Got dasselbig nit erzeigen/so du  
doch soltest billich gern an der walt ende lauffen/wo du wüßtest  
einen solchen hauffen zü finden/da man Got lobet vnd ehret/vñ  
also der heiligen gefelshafft dich teilhafftig machen/Wie hastu  
vorhin gelauffen zü der heyligen greber/kleider/gepeine: Wie ist  
man gen Rom/gen Jerusalem / zü S. Jacob gewallet /alleyn  
das man stein/bein/holz vnd erden sehen möcht/vñ nichts von  
Christo gedacht ward: Vnd hie ist in deynen stat oder dorff/vor  
deynen thür/Christus selbs gegenwertig mit leib vñ blüt/mit sey-  
nem gedechtnis/lob vnd ehren lebendig/vñ du magst nit hinzü  
geen vnd auch helffen dancken vnd loben/Du bist gewis nit ein  
Christ/auch nit ein mensch/sonder ein teufel oder teufels gesinde.

Es were vnrecht/das solchen verechtern vnd verleugten Chri-  
sten anders gieng/den das sie zur straffirer schentlichen vnd anck-  
barkeit durch den teuffel besessen/betrogen vnd verführet wurden  
damit sie nimer mer nichts vom Sacrament hörten noch lerne-  
ten/sonder sollen Papiſten oder Schwerner zü lerer haben/das  
die Schwerner eytel brot vnd wein drauß machen/den kern auß-  
schelen/vnd in die hülsen geben. Die Papiſten aber/ein opffer vñ  
kauffs handel drauß machen / die sunden zü vergeben/vnd auß  
aller not zü helffen/darnach in die monſtranz vñ Ciboria setzen/  
Proceſſion machen/vnd spil tragen vnd eytel gauckelwerck da-  
mit treiben/bis sie auch nur eine gestalt dauon behalten/vñ den  
noch on frucht/mit eytel schaden/Dafür sollen sie geben gelt vnd  
güt/bis das sie Keyser/Rünig vnd Fürſten machen/auß solchen  
iren lerern/Recht/aller ding recht/Mit den verkereten verkerest  
dich/spricht Psalm. 18. Warumb haben sie disen Gottes dienſt  
ſampt Christus gedechtnis veracht/der so herrlich schön vñ groß  
ist/vnd den on koſt vnd mühe haben möchten? Wolan /so laß  
man sie die hülsen dauon haben/mit allem schaden an leyb vnd  
seele/güt vnd ehre/Wie sie wöllen/so geſchicht in.

Wer aber/obangezeigter meinung/Christus gedechtnis helle  
vnd sein leiden ehret/der ist sicher vnd frey für allen yrrhum/vnd  
für aller teufel betrug/darff auch kein koſt noch mühe dran wage  
vnd schafft vnzelichen nutz dazü/Dann er thüt Got zwen groſſe

Gots dienst/zwo grosse ehre/Die erste/das er sein stiffe vnd ordnung nit veracht/sonder vntertheniglich vnd gern praucht/Welche ehre on zweyfel Got wol gefelt/als der solch Sacrament nit vergeblich/sonder zu geprancken hat eingesetzt/vñ keyn gefallen dran haben kan/wo mans so ledig stehen lest vnd nit gepranckt Den damit stellet man sich fast/als hielte man Got für einen narren/der vnnötige stiffe vns ordenet/vnd nit wuste/was er vns stifften solle/oder als were er eyn knapsack/der fanle vntüchtige war vmbher trüge vnd vns anböte/Vnd wer kan es aufrechen/was vnehre Got vnd vnserm Herrn Christo allein mit demselbigen stück geschicht/das man seyn Sacrament so veracht/vngeübt vnd ungepranckt lest/vñ wöllen dennoch nit Papistisch/sonder Euangelisch sein/Welche vnehre auff hebt vñ hilfft abthün wer sich zu dem lieben Sacrament helt/vnd solch Gottes stiffe ehret vnd praucht/Dafür wirt in Got widerumb ehren/wie geschrieben steht. 1. Reg. 2. Wer mich ehret/den wil ich wider ehren Wer mich aber veracht/sol wider veracht werden.

Die ander ehre ist/das er Christus Gedechtnus helt vnd hilfft erhalten/Das ist/das predigen/loben vnd dancken für die gnad Christi/vns armen sundern durch sein leiden erzeigt/vmb welchs gedechtnus willen fürnemlich Got dis Sacrament gestift hat/vnd auch solche ehre drinnen sucht vñ fodert/auff das er in Christo vnser Got erkennet vnd gehalten werd/Wie ein grosse ehr vñ herlicher Gottes dienst das sey/ist droben gesagt/das damit götliche ehr erhalten/vñ Got zum rechten Got gemacht wirt/Dafür wirt er on zweyfel widerumb denselbigen zur götlichen ehre bringen/vnd auch eynen Got vnd Gottes kind drauß machen/Vnd wer kan auch hye aufrechen/was güts solche ehre vnd Gottes dienst schaffen/Den damit danckt vnd lobet er nit alleyn Gott in Christo/welchs dises götlichen stiffts eigentlich thün ist/sonder bekennet auch damit offentlich vor der welt seynen **HERREN** Christum/vnd das er ein Christ sey vnd sein wil/Vnd richtet also zugleich auff ein mal auß/eins rechte Priesters beiderley höchste ampt/Mit dem dancken/loben vnd ehren gegen Got/thät er das schönest opffer/den höchsten Gottes dienst vnd herlichst werck/nemlich ein Danckopffer/Mit dem bekentnis gegen die menschē

thät er so vil/als predigt er vñ lerete die leute an Chrustum glanbē  
Damit hilfft er die Chrustenheit meren vñ erhalten/hilfft stercken  
das Euangelion vñ Sacrament/hilfft die sunder bekeren/vñ dem  
teufel seyn reych stürmen/ Vnd in suma/Was die lere des worts  
thät in der welt/da hilfft er mit/vnd ist desselbigen wercks teyls  
hafftig/Wer kan aber erzelen/wie grosser nutz hie geschehe?

Dagegen widerumb zū bedencken ist/was die für vnseelig leut  
sind/die das Sacrament verachten/vnd so faul vnd laß sind zū  
geprauchen/Dañ dieselbigen mügen auß dem widerspil dises re-  
gisters/ire vntugent zelen vnd rechen. Erstlich/das sie Got selbs  
vnehren in seynem stift/vnd achten in für eynen narren/ das er  
solch vnnötig Gottes dienst ordent/ Ja weyl sie nit glauben/das  
ein Gottes dienst/seyn götliche ordnung vñ gnadenreich gestift  
ist/so schenden sie in mit solchem vnglauben/als einen lügner vñ  
nichtigen man. Den vnglaube ist nichts anders/dañ Gots lester-  
rung/damit er für ein lügner gehalten wirt. Darnach verachten  
sie auch das gedechtnus Chrusti/so in solchem Sacrament Gott  
gestift hat/vnd gehalten wirt/vnd thün dem leiden Chrusti kein  
ehre/dancken in nichts dafür/sonder begeen das aller greulichst  
laster der vnd anckbarkeit/Dazū/das noch erger ist/stellen sie sich  
als die vngern vom danck vnd ehre des leydens Chrusti hören/oder  
nit gern dabey sein mügen/da mans ehret vñ danckt/damit  
sie Got sein Göliche ehre nemen/hindern/vnd weren/das er nit  
kan jr Got sein/noch in Chrusto für eynen Got erkennen werden/  
wie droben gesagt/Vnd so vil an in ligt/wolten sie/das beyde/  
Chrustus leiden/vñ alle götliche ehre in aller welt gar nichts gül-  
ten/vñ rein auffgehaben weren/vnd eitel teufel vnser götter wur-  
den/Dañ sie fragen nichts darnach/wie Chrustus leiden geehret/  
seyn gedechtnus gehalten/seyn wort gepredigt/oder Got erken-  
net werden möcht/Das ist vilmal erger/den so yemandt Gottes  
Bilde mit kot würffe/oder Chrustum selbs vnehrete.

Vber das/geben sie den andern damit ein böß ergerlich exēpel/  
vñ sind schuldig an allen denen/die irem exempel nach dis sacra-  
ment auch lassen vnd verachtē/damit so vil an inen ist/Chrustus  
gedechtnus vergessen wirt/sein leiden gar vmb sunst vñ vnnütz/  
vnd entlich der Chrustlich glaub gar vntergeen/On was des gü-  
ten noch

ten noch ist/das sie lassen vnd hindern/das sie Gott keyn danck  
opfer thun/iren Herrn Chrustū nit bekennen/iren nechsten mit der  
that vñ exempel nit leren/reizen vñ bessern/sonder Got das danck  
opffer entziehen/Christū verleugnen/vñ iren nechsten absüren. Lie  
ber was were es wunder/das Got eitel teufel vber vns liesse wū  
ten/mit teglicher pestilenz/krieg/theürung/mord vnd jamer! Es  
ist hie Türck/Tattern vnd alle teufel zū wenig/solche bößheyt zū  
plagen/da nit allein solche grosse greüliche vñehr vñ verachtung  
Gottes/sonder auch so schendliche vnd verfluchte vndanckbar  
keyt gegen Christo/vber die masse im Christlichen volck ist.

Die Juden müsten iren außzug vñ erlösung aus Egyptē land  
vñ durchs rot meer/järlich gar herlich preysen/loben vñ danken  
Vnd können die lieben Propheetē dasselbig wonderwerck Gottes  
nirgent gnügsam erheben vnd schmücken/Vnd wir Heyden/die  
sunst des teufels eigen sind gewesen/vñ vns nichts von Christo zū  
wissen noch zū habē gepürt hat/sind zū solcher gnadē vnd ehren  
kumen/das wir der erlösung Christi sind teilhafftig wordē/wel  
cher vns nit auß Egypten vñ roten meer/sonder von der sünden/  
tod/hellen/teufeln/Gots zorn vnd allem jamer erlöset hat/auch  
nit in dz leiblich land Canaan/sonder in ein ewige gerechtigkeit/  
leben/hymel/gnad/vnd zū Got selbs pracht hat/Vnd das alles  
nit durch Mosen/noch durch Engel/sond durch sich selbs/hats  
im so herzlich saur lassen werden/blut drüber geschwitzet/seyn  
herz wie ein wachs zurschmelzen lassen/am creutz sich tödtē las  
sen/für vns geweint vñ geseuffzet/auffs aller schentlichst sich le  
stern lassen/Vnd ach/welche zung! welch hertz! ist hie gnüg zū/  
solche liebe/gnad vñ barmherzigkeit zū bedencken oder zū redend

Vnd für das alles/sol er von denen (für die er solchs gethan)  
nit mer verdienet haben/dan solchen danck vnd ehre/das man  
seyn nit gedencen mag/noch danon etwas hören/oder vnter de  
nen seyn/die seyn gedechtnis halten vnd danken/vnd mügen  
seyn Sacramēt/zū seynen ehren nit prauchen/sonder in da lassen  
mit seynem Sacrament vergeblich sitzen/vnd vmb sunst vns da  
zū fodern/dieweyl hyngoen/fressen vnd sauffen oder wol ergers  
thun. Es ist wunder/das die son lengst nit kolschwarz worden  
ist. Es solte keyn laub noch gras wachsen/keyn tropffe wassers

noch lufft in der welt bleibē/ vor solcher vnmenschlicher vnd anck-  
barkeit. Die Juden sind böß geweest/ die in gecreuzigt habē/ aber  
wir heiden sind vil erger/ die wir so schenelich sein leiden verach-  
ten/ vnd so vndanckbar dafür sind/ die wir nit so vil im zu lieb vñ  
ehren thün/ das wir solchs Sacraments geprauchten/ vñ hilfften  
solch sein gedechtnus halten. O Bapst/ O Bischoffe/ O Sophis-  
ten/ O Mönch/ O Pfaffen/ was habt jr gethan? das jr solchs al-  
les schuld vnd vrsachen seyt/ die jr dis Sacrament zu opffer mes-  
sen vñ werck gemacht/ damit den leuten disen rechten pranch/ ehe  
vnd danck/ vertunckelt vnd geraubt habt. Denn sie haben nichts  
anders dzyinnen gesucht / on jr eygen werck/ gehorsam vnd ver-  
dienst/ das habt jr siegeleret/ vnd mit gepot zu solchem werck ge-  
zwingen/ Vnd dennoch die eyne gestalt gemmen.

Jr mücken seyger vnd kamelschlinger/ habt fürgegeben grosse  
ehre des Sacraments/ das mans in gülden köstliche monstrantz  
setzen/ mit gülden kelchen vnd Patenen handeln sol/ vñ den Pries-  
stern die singer dazu sonderlich geschmirt mit salben / köstliche  
Corporal/ messgewand vnd altar tücher/ Tafel/ kerzen vnd fanen  
vnd mancherley procession vnd gesang dazu gepraucht / gerad  
als lege vil daran. Vnd das man ja den grossen treffelichen ernste  
spüren müsse/ habt jr bedacht/ das man mit rörlin auß dem kelch  
trincken solle/ damit das blüt Christi nit verröret werd/ Vnd für  
war den glauben scharpff angesehen/ vñ gepoten/ das man ja un-  
ter yglicher gestalt den ganzen Christū glauben solle/ Aber dage-  
gen hat das lieb Sacrament müssen ein opffer vñ werck seyn/ da-  
mit jr aller welt güt vnd ehre zu euch gekaufft. Wo ist hie bliben  
die lere vom Gedechtnus Christi? Wen habt jr das volck vnter-  
richt/ das sie solchs Sacrament solten auß liebe prauchen/ als ein  
Gottes stift ehren/ vñ Christum hierin preisen/ loben vnd danckē  
zu ehren seynes leidens dasselb empfaben vnd sein gnad erkennen  
on vnser werck vñ verdienst vns geschenckt? Ja jr habt sie zu wis-  
der solchem gedechtnus/ leren eigen werck vnd den freien willen  
vnd auß dem Sacrament selbs auch ein werck gemacht/ vnd al-  
les verkeret/ Vnd wöllet solchs nit püssen/ Sonder verteidigtes  
auch noch dazu/ O spötter/ O gangler/ O Heuchler/ O Lesterer/  
Ach mein Herr Chuste/ kum doch bald mit feür vñ schwefel vom

hymel/vnd mache mit solchem spotten vnd lestern ein ende/wie  
vbermachen sie es doch so ganz vnleydlich vnd vntreglich.

Das ich aber ein mal von diesem stück künne/ So hastu hie eyn  
mechtige vnd trefliche vsach/die dich reyze zum Sacrament zü  
geen/das deyn hertz dich mag ermanen auff die weyse/Wolan/  
ich wil zum Sacrament geen/nit das ich damit ein güt werck od  
verdienst woll thun/auch nit vmb gehorsam oder gepot willen  
des Papssts oder der kirchen/sonder zü lob vñ ehren meinem Got  
der mir solchs zü empfaen gestift hat/vnd zü liebe vnd danck  
meinem **HERN** vñ Heiland/der mir solchs/zü ehren seins ley  
dens eingesetzt hat/zü geprauchen vnd zü dancken/Damit ich der  
einer sey/der im seins leydens dancke/Vnd nit erfunden werd vñ  
ter den verechtern vñ vndanckbarn/auch mit den andern ein böß  
erempel zum ergerms gebe/vnd also mich teylhafftig mach ires  
verachten vñ vndanckbarkeit/sonder vil mer ein güt erempel geb  
vnd andere herzü locke/das sie es auch ehren vñ loben/Vnd also  
das gedechtnus des leidens Christi helffe halten vñ stercken/vnd  
zu gleich als ein Christ/meinen Herrn bekene vor der welt.Solch  
danckopffer wil ich im thun/wan ich gleich keyn andern nutz da  
von solt haben/Dan es sol meyn danck seyn dem **HERN** für  
seyn bitter leyden/das er vmb meynet willen erlitten hat.

Ich hoff aber/es sey nit not/hie lang zü leren/was da heysse/  
Christus gedechtnus/danon wir anderstwo offit vnd vil geleret  
haben/Vnemlich/das es nit sey das betrachten des leydens/das  
mit etliche/als mit einem gütten werck/wollen Got gedienet vnd  
gnad erlangt haben/gehen vmb mit trauren für das bitter leiden  
Christi zc.Sonder das ist Christus gedechtnus/so man die krafft  
vnd frucht seines leidens leret vnd glaubt/Also/das vnser werck  
vnd verdienst nichts sind/der frey wille tod vnd verloren sey/son  
dern alleyn durch Christus leyden vnd tod/von sunden los vnd  
frum werden/Das es sey ein leren oder gedechtnus von der gna  
den Gottes in Christo/vnd nit ein werck von vns gegen Got ge  
than.Wider solche lere vnd glauben strebt das ganz Papstun  
mit seinen stiftten/klöstern/vnd eygen wercken/vnd haben dazü  
auff dem Sacrament auch das gemeyneste grössste werck ge  
mache/damant doch am aller wenigsten solt vñ vnsern wercken/



sonder alles von eyttel bloßer gnade handeln/ Haben also Christus gedechtnis aller dinge vnterdrückt/ vnd dis gnadenreich gestift Gottes/in solchen engstlichen grewel verkeret/ Da hüt dich für/ vnd lerne hie nichts mer thün/dan deynem HERRN Christo dancken für seyn leyden/ Vnd Got für seyn gnad vnd barmherzigkeit/ Zum zeichen vnd bekentnus solchs dancks vnd lobes nym vnd empfahe das Sacrament mit freuden.

Ob hie die Papisten wurden klüglen wollen auß meynrer rede (wie sie pflegen) vnd wider mich rümen/das ich hie selbs im Sacrament ein opffer mache/so ich doch bißher fast gestritten habe/die Messe sey kein opffer/Darauff soltu also sagen/Ich mache weder messe noch Sacrament zum opffer/sonder das gedechtnis Christi/das ist/die lere vnd glauben von der gnadē/wider vnser verdienst vnd werck/das ist ein opffer/Vnd ist ein Danckopffer/Dann mit dem selbigen gedechtnis/Bekennen vnd dancken wir Got/das wir auß lautter gnaden durch Christus leyden erlöset/frum vnd selig werden. Aber die Papisten haben solch gedechtnis verworffen/verdampft vñ gelestert/verdamen es auch noch hentigs tags/dan sie wollen jr werck vnd verdienst verteidigen Klöster vnd opffer messen behalten/welchs strebt wider solch gedechtnis Christi/wie wir den wissen/das sie dieselbigen ire wercke vnd Messen/verkauffen vnd mittheilen/jren stifttern vnd büßdern/das jr werck/als der sie für sich selbs zü vil vnd vbüg habē auch andern leuten helffen sollen zur gnade. Vnd thün also das mit/das doch Christus alleyn durch seyn leyden thüt/setzen sich in Christus ampt vnd werck/vnd sagen/Ich bin Christus/Mat. 24. Das ist eyns/dawider ich gestritten habe.

Zum andern haben sie mit allein solch danckopffer od gedechtnis vnterdrückt/sonder an desselbigen stat ertichtet ein ander opffer/nemlich/das sie das sacrament/das sie empfahe vñ von got nemen solten/nemlich/den leyb vnd das blüt Christi/zum opffer gemacht/vñ denselbigen Got geopffert/Vnd wo sie das opffer nit hetten ertichtet/sie solten nit solche herrē nit worden sein. Da zü haltē sie Christus leib vnd blüt nit für ein danckopffer/sonder als ein werckopffer/damit sie nit Got dancken für seyn gnad/sonder in selbs vnd andern damit verdienen vñ gnad aller erst erwer

ben/das also mit Christus vns gnade hab erworben/sonder wir  
wollen die gnade selbs erwerben/durch vnser werck/damit wir  
Got seins suns leib vñ blüt opffern/Das ist der recht haubtgrewel  
vnd grund aller lesterung im Papstum/Wider solch lesterlich  
opffer hab ich gefochten/vnd fechte noch /das wir das Sacra-  
ment nicht wollen weder opffer seyn lassen/noch opffer heysen/  
Sonder ein Sacrament oder gestift Gottes/vns gegeben.

Mit solchem fechten haben wir so vil aufgericht/das sie selbs  
nu fülen/wie sie vnrecht haben/vñ die messe kein opffer sein müg  
wollen aber solch vnrecht nit widerrüffen noch püssen/heben an  
am schlegel zü flicken/wolten sich gern schmücken mit dē glöslin  
das die messe oder Sacramēt/sole ein misteriale/oder memoriale  
sacrificiū/das ist/Ein deutopffer vñ werck opffer seyn/als damit  
man deutet vnd dencket an das opffer Christi/so er am creuz/ges-  
than hat. Ja wer sigel vñ brieff het/das solch glose Got wolge-  
falle/Wer wil vns des versichern? Auch wirt dis glöslin ein vn-  
verschampte greifliche lügen/wen man die sigel vñ brieff in stift-  
ten vnd klöstern herfür zeucht/darın sie den stifttern die Messen  
vnd vigilien/Beide für lebendigen vnd todten verkauffen/als ein  
werck opffer oder werbopffer /desigleychen zeugen auch jr Bücher  
vñ schrifft/so noch vorhanden sind/Vnd ist güt zü rechen/das sie  
mit solchen lügen glöslin gedenccken dieselben alte grewel zü beste-  
tigen/weyl sie dieselben nit widerrüffen noch püssen/sonder ver-  
teidigē/wie den auch S. Gregorius schreibt/das er dreyssig tag  
hab lassen die messe opffern für einen todten. Was hilffts aber al-  
so mit offenberliche lügen die alten grewel stercken wider die hel-  
le warheit! On das eyns das ander dest mer zü schanden macht.

Es hilfft auch solch glöslin nichts zur sachen. Den weil sie das  
Sacramēt damit wollen ein deutopffer oder denck opffer nennen  
so machē sie gleichwol ein werck drauß/das wir gegen got thün  
vmb verdienst/Vnd wirt also gleichwol damit vnser werck ge-  
gen Got/vnd mit Gottes gnade gegen vns gepreyset. Gleich wie  
bisher etliche haben die Passion lassen malen vñ in Büchlin geles-  
sen/vnd solchem werck grosse ehz gegeben/wie der spruch Alberti  
hat gelert/das ein mal das leyden Christi /schlecht oben hyn be-  
trachten/sey besser/dan ob einer ein ganz jar fastet/alle tag eyner

Psalter betet/vñ sich selbs bis auff's blüt steupet/Ein solch werck  
würdt auß dem sacrament auch/wen es solt heißen ein deutopffer  
oder denckopffer/damit man allein die hifoua vñ geschicht des  
leidens Christi bedecht/Solch werck kan ein gotloser vñ der teu-  
fel auch wol thün/Darumb hat Christus das Sacrament nit da-  
zū eingesetzt/sonder zū seinem gedechwisse/das man von seiner ge-  
nad recht leren/glauben/liebē vnd loben solle/welchs werck ver-  
mag keyn gotloser nit. Darumb meynen es die Papiſten nit güt  
mit solchem glöslin/Sonder wollen jr opffer messe dadurch mit  
listen vnd blinden griffen erhalten/suchen vnd meynen gar nit  
das Sacrament/sonder iren Bauch vnd Mammon.

Das mercke dabey/sie wollen als die Priester/ein sonderlichs  
höbers vnd bessers an dem Sacrament haben/sür allen andern  
Christen/Dañ ob gleych die gang Christenheyt das Sacrament  
gebraucht / empfahet/glaubt vñ danckt/so muß es doch daselbs  
kein opffer heißen/Vnd kan hie keiner das Sacrament prauchen  
oder handeln für einen andern/sonder ein yeglicher für sich selbs  
alleyn/Aber wen es die Pfaffen handeln / so ist es ein opffer / das  
sie nit alleyn für sich selbs/auch nit für dancksagung/sonder für  
alle ander Christen thün/damit inen gnad vnd hülf zurlangen.  
Sihestu/vnd greyffestu hie nicht! das die wort Christi nicht ein  
opffer auß dem Sacrament machen/vnd an jm selbs auch keyn  
opffer ist / Aber wen die Basel vnd platte dazu kumpf/so wirdts  
ein opffer/Dañ ob schon die gang heylige Christenheyt das Sa-  
crament handelt/mit henden vnd mund/in kelchen vnd tüchern  
mit glauben vnd liebe/mit lob vnd danck/ja alle Engel im hys-  
mel dazu/dennoch ist keyn opffer / Aber wenn die platten vber  
dem Altar damit umbgehet/da ist es ein opffer / So eyne mechtig  
ding ist vmb die weyhe/beyde der person vnd des Altars. Vnd  
lieber frage mir sie doch/Warumb das Sacrament nit auch ein  
opffer ist/wen es die leyen empfahen vnd prauchen? Oder ob sie  
ander Sacrament haben weder die leyen?

So haben nu die kirchen im Papstum/zweyerley Sacrament  
des altars/Der gemein Christen man hat kein opffer Sacrament  
sonder das schlecht Sacramēt(wiewol dennoch die helfft allein)  
Die priester haben ein opffer sacrament/vñ dasselb ganz/Es geor-

Bückerlich zu/vñ haben sich feyn geteilt. Tu hat doch ja Christus allen seinen Christen zu gleich einerley tauffe/Sacrament/Euangelion gegeben vñ gelassen/vñ kein vnterscheid der personen wollen haben/Wo kumpt den solcher vnterscheid her? das vnser lieber tröstlicher schatz in des priesters hand vñ maul ein opffer wird vnd in vnsern henden vñ mund mit kan ein opffer sein/sonder ein schlecht Sacrament sein muß/vñ ist doch beides einerlei vñ gleich sacrament. Es kumpt freilich daher/Sic volo sic iubeo/ auß der vollen gewalt des Papsst/durch welche er auch auß dem Euangelio kan machen/das es muß heißen Kezerey oder warheit/Als da der Luther das Euangelion leret/Mönch vñ Nonnen mügen eelich werden/da ist Kezerey/Wen aber der Papsst solchs Mönchen vnd Nonnen erlaubt/da ist das recht Euangelion. Vnd wen yemant der kirchen güter mißbraucht oder hindert/da heißt es dem erbgüt Christi zu nahe gegriffen/Aber wen sie es den armen entwenden/mit hürerei vñ krieg vmbbringen/da heißt es das erbgüt Christi geheiligt. Es ist ein gewaltiger schepffer vñ Got.

Aber das sie mit meinen/ich wolle vmb wort zanken(Den wo die sachen sunst recht steen/sol an den worten nit so vil ligen/wie wol doch in der schrifft solchs ferlich ist) Wolan/so wollen wir das ein reumen/vnd nit das Sacrament selbs/sonder empfaben oder prauch des Sacraments/ein opffer nehmen lassen/Mit solchem vnterscheid vnd verstand/Erstlich/das es nit ein deutopffer oder werckopffer/sondern ein danckopffer heysse/also/das/wer das Sacrament empfabet/sol das zum zeichen seiner danck sagung gethan haben/damit er anzeygt/das er Christo für seyn leyden vnd gnade in seynem hertzen danckbar sey/für sich selbs. Zum andern/das die Priester auch keyn ander opffer drauß machen vber dem altar/sonder auch sie dasselbig nicht anders noch anderer meynung empfaben/den zum zeichen/damit sie anzeygen/das sie Christo im hertzen dancken für sich selbs/gleich wie die andern Christen/welchen sie es reychen vom altar/auff das es eynerley vnd ein gleich Sacrament sey/beyde der Priester vnd der leyen/vnd die priester nicht bessers noch anders noch mer am Sacrament haben/den die leyen/gleich wie sie nicht besser tauffe noch Euangelion haben/den so man von jnen empfabet. Zum

Dritten/das sie hinfürt niemant das Sacrament oder Messe/als ein werck opffer verkauffen/noch für andere opffern/vmb gnade zurlangen/weder den todte noch den lebendigen/sonder schlecht ein yeglicher Püester für sich selbs allein(wie ein ander Chust)damit Got danck erzeige. Zum vierden(O thar ich das auch rüren) Wenn die messe oder Sacraments prauch nu also ein danck opffer ist worden/das sie wolten püessen vnd wider geben alle güter/sigel vnd brieff/dazü aller klöster vnd stift renten/die sie durch die Messe/als mit eym werck opffer vberkumen haben vnd besitzen/weil doch solche güter mit liegen vnd triegen/ia mit Gottes lestrung vnd Christus verretterey erworben sind. Dan hettens König vnd Fürsten gewußt/das ein Püester mit dem Sacramet nichts mer thet auff dem altar/dann der leye der es empfaht/nemlich/das er Got für sich selbs alleyn danckt/meynstu/das sie so tol gewest weren/vnd solche güter dem gegeben/der nit für sie opffert noch Got versönet / sondern für sich selbs alleyn dancket! Vsch/Vsch/Vsch/wie triebelt mir das in den zenen. Dis stück traw ich nit bey in zü erheben/das weyß ich wol.

Weiter/wil ich auch das ein reumen/das sie solch danck opffer mügen für andere auch thün/gleich wie ich auch auffser der mess mag Got dancken/für Christo vnd alle seyne heyligen/ia für alle creaturn/das also der Püester müg in seinem hertzen dencken/sihe/lieber Got/dis sacrament prauch vñ neme ich dir zü lob danck das du Christum vnd alle deine heilige so herlich gemacht hast/Dan wer weyß das nicht / das wir on das schuldig sind/Got zü dancken /für vns selbs / für alle menschen/für alle creaturen/wie S. Paulus leret ! Darumb kan ichs wol leyden/das die Püester in der mess Got dancken für vns alle/Alleyn das sie dasselbig nit als etwas sonderlichs vnd anders achten/vber der leyen Sacrament/als künste vnd solt der leye nit auch eben mit solchem danck das Sacrament nemen oder prauchen /Den Sonderling wil ich nit leiden/in gleichen vnd aller gemeinem Sacrament/Vil weiniger wil ich leiden/das sie für die andern(das ist/an stat der andern) dancken sollen / als solts gleych vil seyn/wen der Püester danckt/als danckt ich/vnd ich im gelt gebe/das er für mich vnd an meyner stat dancke /Neyn/den jarmarckt will ich nit haben/  
noch solchen

noch solchen wechſel vnd gedinge leyden.

Wöllen ſie diſe ſtück nit annemen/ſo wöllen wir auch jr liſtig  
ges falſches glöſſin/vom deutopffer oder denckopffer nit leyden  
noch das Sacrament alſo nennen laſſen/Es iſt abusus et Katas  
chreſis/der miſuerſtand zü groß vnd ſerlich. Dañ Chriſtus ſchei  
det hie die zwey ſtück weyt von eynander/Sacrament/vnd Ges  
dechnus/da er ſpricht/Solchs thüt zü meynem gedechtnis. Ein  
ander ding iſt das Sacrament/vnd ein ander ding iſt/das Ges  
dechnus. Das Sacrament ſollen wir vben vnd thün (ſpricht er)  
vnd daneben ſeyn gedencen/das iſt/leren/glauben vnd danckē/  
Das gedechtnus ſol wol ein danckopffer ſeyn/aber das Sacra  
ment ſelbs ſol nit ein opffer/ſonder ein gab Gottes ſeyn/vnd ge  
ſchencckt/welchs wir zü danck annemen vnd mit danck empfabē  
ſollen. Vnd ich halt/das daher die alten ſolch ampt haben Euz  
chariſtia oder Sacramentū Eucharistiē/das iſt/danckſagung  
genennet/das man nach dem beſelch Chriſti/ bey diſem Sacra  
ment Got dancken vnd daſſelb mit danck prauchen vnd empfa  
hen ſol/Welchs wort darnach durch miſuerſtand auch hat müs  
ſen allein das Sacramēt heißen/Vnd were noch nit vbel geredt  
Wo man yetz ſagte/wen man zur Meſſe oder predig gieng/Ich  
wil zur Eucharistiā gehen/das iſt/ich wil zur danckſagung ge  
hen/nemlich/zü dem ampt/da man Got danckt vnd lobet in ſey  
nem Sacrament/wie es ſcheynet/das die alten gemeinet haben.

Vnd daher acht ich/das vil geſang in der meſſe ſo fein vñ her  
lich vom dancken vnd loben gemacht/vnd biſher bliben iſt/als/  
das Gloriā in excelsis/Et in terra/das Alleluia/das Patrem/die  
Prefation/das Sanctus/das Benedictus/das Agnus Dei/In  
welchen ſtücken findeſtu nichts vom opffer/ſonder eitel lob vnd  
danck/Darumb wir ſie auch in vnſer meſſen behalten/Vnd ſons  
derlich dienet das Agnus vber allen geſengē auß der maſſen wol  
zum Sacrament/Dann es klerlich daher ſinget vnd lobet/Chri  
ſtum/das er vnſer ſunde getragen habe/vnd mit ſchönen kurzen  
worten das gedechtnus Chriſti gewaltiglich vnd lieblich treiß  
Vnd ſumma/was böſe in der Meſſe iſt vom opffer vnd werck/  
das hat Gott wunderlich geſchickt/das faſt alles der Prieſter  
heymllich liſet/vnd heyſſet die ſtillmeſſe/Was aber offentlich

durch den Chor vnd vnter dem hauffen gesungen wirt/ fast eytel  
güt ding vnd lobesang ist / als solt Gott mit der that sagen/ Er  
wölle seyner Christen mit der stille Messen schonen / das ir oren  
solch grewel nit musten hören/ vnd also die geystlichen mit irem  
eygen grewel sich plagen lassen.

Das sey von dem ersten stücke/ oder vrsachen gesagt/ die vns  
sol reynzen vnd bewegen / mit lust vnd liebe zum Sacrament zu  
gehen/ nemlich/ das wir Gott zu lob vnd danck/ Christo zu liebe  
vnd bekentnis / vnserm nechsten zum gütten exempel vnd besse-  
rung/ vnd endlich zu erhaltung des Sacraments/ lerens/ glaubens  
vnd ganzer Christenheyt / solchs thun/ vngeacht/ ob wir gleych  
dadurch nichts verdienen solten noch kündten/ Sintemal wir ort  
das/ solchs alles schuldig sind zu thun/ dan es ja ein gemein Got-  
tes gepot ist/ das wir in sollen loben vnd dancken / Christus ley-  
den lieben vnd ehren/ den nechsten bessern/ vnd die lere/ glauben  
vnd Christenheyt erhalten helffen / Wie vil mer sollen wirs hie  
thun? da er ein sonderlich gestiftt dazu eyngesetzt hat / vnd vns  
aus dazu rufft vnd locket/ Vnd ob wirs nit wolten oder kündten  
empfaben/ doch gern dabey seyn/ vnd sehen dasselbe empfaben/  
vnd hören Got loben vnd Christo dancken / Dann solchs gehet  
nicht auß eygener andacht/ oder menschen wal/ sonder stehet hie  
gegründet im wort Christi / Solches thut zu meynem gedechts-  
nis.

## Das ander teyl.

**B**is daher haben wir nichts gesagt von vnserm nutz/ so wir  
im Sacrament suchen vñ holen können/ sonder alleyn vom  
nutz/ den du Got selbs/ Christo/ dem nechsten/ dem Euangelio/  
vnd Sacrament/ dazu der ganzen Christenheyt thun kanst/ Wie  
wol wer kans begreyffen/ was das alles für grosser nutz ist/ wenn  
du Got lobest/ Christo danckest/ seyn leyden ehrest/ deynen nech-  
sten besserst/ das Sacrament vnd Euangelion/ sampt der Chris-  
tenheyt hilffest furdern vnd erhalten/ Dazu dem widerspil aller  
diser fruchte hilffest steuren vnd weren? Dennoch/ das wir ja se-  
hen/ welch ein vol/ vol/ gnadenreich gestiftt Gottes es sey/ damit  
wirs ja hertzlich lieb gewinnen vnd gern prauchen/ wöllen wir

nu sehen/was für nutz auch sonderlich vns selbs/darinn angepor-  
ten vnd gegeben wirt/Vnd wie Christus vnser nit vergessen hat  
in diesem Sacrament/Wiewol ich aber solche züvor im kleyne  
Catechismo fast alles gerürt hab/das ein Pfarher/so fleysig sein  
will/oder des bedarff/sich wol danit behelffen kan/Doch will  
ichs widerumb hie auch handeln.

Auffs erst/wie ich droben vermanet habe/das du sollest das  
wort (zü Meynem Gedechtnus) wol mercken/als damit dich  
Christus reytet vnd locket/das du im zü lieb vnd danck/vnd seyn  
nem leiden zü lob vnd ehren/sollest gern zum Sacrament gehen/  
oder doch ye gern dabey sein/Also ist hie auch mit fleis zü mercken  
das wort (Für Euch) da er spricht/Das für euch gegeben/das für  
euch vergossen wirt. Dan die zwey wort/MEIN vnd EUCH  
sind ja gewaltige wort/die dich billich treiben soltē/das du gern  
vber hundert vnd tausent meilen zü diesem sacrament lauffen mü-  
stest. Den wo du bedenckest/wer der sey/der da spricht/MEIN  
da er sagt/das thüt zü meynem gedechtnus/so wirstu ja finden/  
das es deyn lieber herr Christus Ihesus Gottes sun sey/der für  
dich seyn blüt vergossen vnd gestorben ist/vnd begert mit diesem  
wort/MEIN/nit mer/dan das du doch solchs erkennen wol-  
test vnd glauben/liessst es doch dir gefallen/vnd im dafür dan-  
ckest/das im so herzlich saur ist worden/Vnd nit so schendlich  
verachtest/vnd seyn Sacrament so gering hieltest vnd nachlies-  
test/so dichs doch gar nichts kostet noch gestehet.

Also wenn du bedenckest/wer die sind/dauon er sagt (Für  
Euch)so wirstu ja finden/das es sey/di vñ ich/sampt allen men-  
schen/für die er gestorben ist/Sind wir aber die/für welche er ge-  
storben ist/so muß das volgen/das wir in sunden/tod/helle vnd  
vnter dem teuffel gewesen sind/wie auch die wort klerlich mit bü-  
gen (Für euch vergossen/zur vergebung der sunden) Sind sünde  
da/so ist gewislich der tod auch da/Ist der tod da/so ist gewis-  
lich auch die helle vnd der teuffel da/So hilfft solch bedencken/  
das du müst deß fleysiger im dancken/vnd deß lieber zü seynes  
leydens ehren/zum Sacrament gehen. Dan welch hertz kan ym-  
mer mer gnügsam begreyffen/welch ein wolthat vnd gnad das  
ist/das er vom todt vnd teuffel/von sunden vnd allem vbel erlö-  
set.



set/gerecht/lebendig vñ selig wirt/on seyn verdienst vnd züthun  
alleyn durch das blüt vnd sterben des suns Gottes! Welcher Be-  
gert doch nichts dafür/dann lob vnd danck/das mans erkenne/  
vnd glaube/vnd nit so schentlich verachte oder anstehen lasse.

So ist nu das der erste nutz vnd frucht/so dir kumpt auß dem  
prauch des Sacraments/das du solcher wolthat vnd gnade da  
mit erinnert wirst/vñ dein glaub vnd liebe gereizt/ernewert vnd  
gesterckt wirt / auff das du nit kumest in ein vergessen oder ver-  
achtung deines lieben heilands vnd seynes bitteren leydens/vnd  
deiner grossen manchfeltigen ewigen not vnd tod/darauff er dir  
geholfen hat. Lieber laß solchen nutz nit gering seyn/Ja wenn  
sunst keyn nutz im prauch des Sacraments were/dañ dise erin-  
nerung solcher wolthat Chusti vnd deyner not/damit du zum  
glauben vnd liebe gegen deynen lieben heiland gereizt wirst/so  
were es dennoch vber auß gnüg nütz vñ frucht/ sintemal solcher  
glaub vns hoch von nöten ist/das wir bey Christo bleyben müs-  
gen/Bey welchen/keyn bleyben ist/on solchen glauben. Vnd da  
gegen der vnglaube/ein ferlicher/tegllicher/vnableßlicher teuffel  
ist/der vns von vnserm lieben heiland vnd seinem leyden/Beide  
mit gewalt vnd list reysen wil/Es ist müß vnd arbeit/wo man  
teglich solchen glauben treybt/reyzt/vnd vbet/das wir Christus  
leyden vnd wolthat nit vergessen / Was solts dan werden/wen  
man sich danon zeucht / selten treybt/vnd seyn gedechtnus vnd  
Sacrament verachtet oder nachlesset!

Der ander nutz ist/Wo solcher glaub ymer also erfrischet vnd  
ernewert wirt/da wirt auch mit zü das hertz ymer von neuen er-  
frischet zur liebe des nechsten vnd zü allen gütten wercken/starck  
vnd gerüst/der sünden vnd aller ansechtung des teuffels wider  
zü stehen/Sintemal der glaub nit kan müßig sein/er müß frucht  
der liebe vben/mit güt thun vnd böses meyden/ Der heylig geyst  
ist dabey/der vns nicht feyren leß / sondern willig vnd geneygt  
macht zü allem gütten / vnd ernst vnd fleysig wider alles böses/  
das also ein Christ durch solchen rechten prauch des Sacraments  
ymerdar/ye mer vnd mer/von tag zü tag sich vernewert vnd zü-  
nympt in Christo/wie vns Paulus auch leret/das wir sollen ym-  
merdar vns vernewen vnd zunemen. Widerumb/wo man sich

enthelt vom Sacrament/ vnd praucht sein nit/ da müß der schad  
folgen vnd kan nit feylen/ das sein glaub teglich/ ye mer vnd mer  
schwach vnd kalt wirt/ darauff dann weyter müß folgen/ das er  
faul vnd kalt wirt in der liebe gegen den nechsten/ laß vnd vnlu-  
stig zü gütten wercken/ vngeschickt vnd vnwillig dem bösen wis-  
der zü stehen/ vnd gewinnet also ye lenger ye weniger lust zum  
Sacrament/ byß das er ganz vberdüßsig wirt/ an seynen lieben  
heyland zü dencken/ vnd verachtet/ vñ verdirbt also in sich selbs  
von tag zü tag/ vnd wirt geneygt vnd lustig zü allem vbel. Dañ  
der teuffel ist da/ der seyret auch nicht/ bis das er in sellet in sund  
vnd schande.

Ich will zum Exempel allen/ die sich wöllen warnen lassen/  
meyn selbs eygen erfahrung hye anzeygen/ damit man lerne/ wie  
ein listiger schalck der teuffel sey. Es ist mir etliche mal widerfa-  
ren/ das ich mir fürgesetzt hab/ auff den oder den tag zum Sacra-  
ment zü gehen/ Wenn derselbig tag kumen ist/ so ist solch andacht  
weg gewesen/ oder sinst etwas hindernus kumen/ oder hab mich  
vngeschickt gedacht/ das ich sprach/ Wolan/ vber acht tag wil  
ichs thün. Der achte tag fand mich abermal eben so vngeschickt  
vnd gehindert/ als ihener/ Wolan/ abermal vber acht tage will  
ichs thün/ Solcher acht tage wurden mir so vil/ das ich wol wer-  
gar dauon kumen/ vnd nymer nit zum Sacrament gangen. Als  
mir aber Got die gnad gab/ das ich merckt des teuffels büberey/  
sprach ich/ Wöllen wir des/ Satan! So hab dir ein güt jar/ mit  
deyner vnd meyner geschickligkeyt/ Vnd reyß hindurch vñ gieng  
hinzü/ auch etlich mal wol vngescheicht/ (welchs ich doch sinst nit  
thü) zü trotz dem teuffel/ sonderlich weyl ich mir keyner groben  
sunden bewußt war.

Vnd hab also bey mir selbs erfunden/ wenn einer schon kein lust  
noch andacht zum Sacrament hat/ vnd doch mit ernst sich er-  
wegt dahyn zü gehen/ So machen im solch gedanken vnd das  
werck an im selbs auch/ andacht vnd lust gnüg/ vertreiben auch  
seyn solche faule vnlustige gedanken/ die eynen hindern vnd vn-  
geschickt machen. Den es ist ein gnadenreich krefftig Sacrament  
wenn man nur ein wenig dran mit ernst gedenckt/ vnd sich hinzü  
schickt/ so zündet es an/ reyzt vnd zeucht weyter ein hertz zü sich.

Versuchs nur/ vnd wo du es nit so findest/ so straff mich der lügen/  
Was gilts/ du wirst auch finden/ wie dich der teuffel so meys-  
sterlich generret/ vnd so listig vom Sacrament gehalten hat/ da  
mit er dich mit der zeyt gar vom glauben/ vnd ins vergessen deys-  
nes lieben Heylandes vnd aller deyner notpungen möcht.

Vnd weiß du sunst keyn visach noch not hettest zum sacramēt  
zū gehen/ Lieber/ were das nit böß vñ not gnüg/ das du dich kalt  
vnd vnlustig findest zum Sacrament! Was ist das anders/ den  
das du dich kalt vnd vnlustig findest zū glauben/ zū dancken/ vñ  
zū dencken an deynen lieben Heyland vnd an alle wolthat/ die er  
durch sein bitter leyden dir erzeygt hat/ auff das er dich von sün-  
den/ tod vnd teuffel erlösete/ lebendig/ vnd selig machte! Wo mit  
wiltu dich aber wider solchen frost vnd vnlust erwermen! Wo  
mit wiltu deinen glauben erwecken! Wo mit wiltu dich reizen/  
zum danck sagen! Wiltu harren bis es dich selber antume/ oder  
der teuffel dir raum dazu gebe/ oder seyn müter dich dahin halt!  
Da wirdt nymer mer nichts auß. Wie an das Sacrament müst  
dich reysen/ vnd hynzū halten/ da ist ein feür/ das die hertzen kan  
anzünden/ Da müstu dein not vnd durfft bedencken/ vnd die wol-  
that deines Heylands hören vnd glauben/ So wirt dir dein hertz  
anders werden/ vnd ander gedanken fassen.

Darumb hat Gott recht vnd wol daran gethan / das er vns  
hat lassen bleyben in solchem stande/ da wir müssen mit der sün-  
den/ tod/ teuffel/ welt/ fleysch vnd allerley anfechtung kempffen  
vnd ringen/ auff das wir genötigt vnd gezwungen werden/ seyn  
gnade/ hülffe/ wort vnd Sacrament zū suchen vnd zū begeren/  
sunst wo das nit were/ würde keyn mensch ein har preyt/ weder  
nach seynem wort noch seinem Sacrament fragen/ weder gnade  
noch hülff suchen/ Tu aber solche jaghund/ ja teuffel hinter vns  
sind/ vnd vns auff steubern/ so müssen wir wol munter werden/  
Vnd wie ein getagter hirs zum frischen wasser/ also auch wir  
nach Got schreyen/ wie der .42. Psalm sagt/ Damit vnser glaub  
wol geübt/ erfahren vnd starck werd/ vnd wir also in Christo bley-  
ben vnd feste werden.

Sprichstu aber/ du fülest keyn sünde/ tod/ welt/ teuffel zc. vnd  
hast keynen kampf noch streyt mit jnen/ diumb zwing dich auch

der not keine zum sacrament. Antwort/ Ich hoffts nit/das solchs  
deyn ernst sey/das du alleyn vnter allen heyligen vnd menschen  
auff erdē/on solch fülen seyn soltest. Vnd wo ich wuste/das dein  
ernst were/so wolt ichs warlich bestellen/dz man auff allen gas-  
sen wo du giengest/alle glocken leuten müste/vñ vor dir her auß-  
ruffen/Sie gehet daher/ein newer heylige vber alle heyligen/der  
keyn sund fület noch hat. Aber ich wil dir vngeschertzt sagen/ Sü-  
lestu kein sund nit/so bistu gewislich in sunden gar tod/tod/vnd  
die sund herschet mit gewalt vber dich/Vnd das ich der groben  
eufferlichen sund schweige/als lust zū vnzucht/ehbruch/zorn/hass-  
neyd/rache/hoffart/geyz/wollust ꝛc. So ist das schon allzu vil  
vnd grosse sunde/das du keyn not noch lust hast zum Sacramēt/  
den daran mercket man / das du auch keynen glauben hast/das  
wort Gottes nit achtest/Christus leyden vergessen hast/vnd vol  
vnd anckbarkeyt steckest/vnd aller geystlichen grewel.

Darumb ist meyn rat/Wenn du ja so gar vnempfindlich dich  
findest/das du nit sunde/todt ꝛc. fülest/so greyff an deyn maul/  
nasen/oren/hende/vnd füle obs fleysch oder stein sey/Ists fleisch  
wolan/so glaube doch der schrifft/kanstu deynem fülen mit glau-  
ben/Die schrifft sagt aber/das/fleisch streyttet wider den geyst.  
Item/Roma. 7. Im fleisch ist nichts güttes/vnd der gleychen/  
Denselbigen sprüchen nach/sprich also/Warlich ich füle/das ich  
fleisch hab an meynem leyb/so wirt gewislich nichts gütts dinn-  
nen sein/Darumb so lang ich fleisch hab/ist mir freilich not zum  
Sacrament zū gehen/meynen glauben vnd geyst zū stercken wi-  
der das fleisch/welchs meynem geyst wider ist. Die schrifft leu-  
get dir nit/Aber deyn fülen vnd nicht fülen/treuget dich. Den ob  
wol die sunde durch Christum vergeben/vnd also vberwunden  
ist/das sie vns nit verdammen/noch das gewissen beschuldigen  
kan/so ist sie doch so fern noch da blißen / das sie vns anfechten/  
vnd also vnsern glauben vben kan.

Also auch/fülestu die welt nit/so sihe dich vmb/wo du bist/ob  
du nit vntern leuten wonest/da du sihest / hörest vñ erfereft mord-  
ehbruch/raub/irthum/kezerey/verfolgen/vnd allerley vntugent  
Wen du das sihest/so glaub der schrifft/die da sagt/Wer siehet/  
der sehe zū das er nit falle. Dann in solche stücke kanstu auch alle

stund fallen/nit alleyn mit dem hertzen/sonder auch mit der that  
Den du kanst wol deynen feyndt hassen vnd schaden thun/oder  
hindern am gütten zc. Demnach müstu sagen / Warlich/ich sehe  
das ich in der welt byn/mitten vnter allerley sünden vnd laster/  
dareyn ich wol fallen kan / Darumb so lang ich in der welt byn/  
darff ich wol / das ich zum Sacrament gehe/auff das ich mich  
an meynen heylandt halte /vnd meynen glauben stercke/damit  
ich solcher bösen welt widerstehen/vnd vor sünden vnd laster be  
hütet werden müge. Dañ ob vns Christus wol hat die welt vber  
wunden / das sie vns nit kan zur sünden zwingen / so ist sie doch  
so fern da bliben /das sie vns anfechten / plagen vnd verfolgen/  
vnd damit vnsern glauben vben kan.

Deßgleychen fülestu den tod nit / so gehe zum beyhause vnd  
zum grebern auff dem kirch hofe/oder glaub der schrifft/die sagt/  
Allen menschen ist gesetzet ein mal zu sterben/ So wirstu finden/  
das du noch nit im hymel bist leybhafftig/sonder hast den todt  
auch noch vor dir/vnd dein grab wartet dein auch vnter den an  
dern/vñ bist des kein augenblick sicher. Wenn du das sihest/so ge  
dencke/Warlich ich bin noch nit hynüber/ich muß mit dem todt  
auch noch kempffen/ So lang ich nun noch lebe/ist mir not zum  
Sacrament zu gehen/auff das ich meinen glauben stercke/damit  
der tod mich (so er mich vberleitet) nit erschrecke vñ verzagt mach  
Dañ es ist ein grausamer feynd/ den vnglaubigen vntreglich/ ja  
auch den schwachglaubigen erschrecklich. Vnd ob in Christus  
wol vberwunden hat/das er vns nit fressen noch behalten kan/  
So ist er doch so fern da bliben/das er vns erschrecken/vnd mit  
verzagen anfechten/vnd also vnsern glauben vben kan.

Also/fülestu den teuffel nit/wie er zum mißglauben/verzwey  
feln/Gott lestern vnd hassen treyben kan/so glaube der schrifft/  
die vns zeyget/wie er mit solchen stücken/Job/Dauid/vnd S.  
Paul / vnd ander mer/ zu plagt hat/vnd dich auch noch so pla  
gen kan/Demnach sprich/Warlich der teuffel ist noch eyn Fürst  
in der welt/vnd ich bin in noch nit entrinnen/ So lang ich aber  
in seynem Fürstenthum bin/bin ich seyn nit sicher/darumb muß  
ich zum Sacrament gehen / vnd mich zu meynem lieben helffer  
vnd heyland halten/damit meyn hertz vnd glauben täglich ge  
sterck

sterckte werde/auff das mich der teuffel mit seynem psal mit auch  
spisse/oder mit seynen feürigen verlipten pfeylet erwürge. Denn  
ob wol Christus vns den teuffel vberwunden hat /so ist er denn  
noch so fern noch ein herr der welt bliben/das er vns mit den ho  
hen geystlichen ansechtungen bestreyten/ vnd also vnsern glau  
ben vben kan.

Solchs hab ich so grob vnd alber daher müssen sagen/ vmb  
der groben faulen Christen willen / die nit weyt den sachen nach  
zü dencken wissen/ vnd also vnnersehens laß vnd sicher werden/  
als dürfften sie weder Gottes noch seins worts/gehen dahin/ als  
hette es weder fahr noch not mit in/darüber verlieren sie dan den  
glauben/vnd werden vntüchtig zü gütten wercken. Aber Got hat  
vns solche feinde vber bleiben lassen/das wir zü kempffen hetten  
vnd nit faul vnd sicher wurden/ Gleich wie geschriben steet Ju  
dic. 1. Das er seynem volck Israel auch etliche König vñ Fürsten  
vmbher ließ bleiben/auff das sie kriegen lernten/vnd in kriegs ge  
wonheyt bliben. Dan Gottes wort ist allmechtig/so ist der glau  
be vnd geyst schefftig vnd vnüchtig / muß ymmer zu thun haben  
vnd zü feld ligen/ So muß das wort Gottes nit geringe /sonder  
die aller mechtigesten feynde haben/an welcher es kan ehre eyn  
legen nach seyner grossen gewalt/ als dan dise vier gesellen sind/  
Fleysch/Welt/Tod/Teuffel/daher Christus heyst/der **3<sup>ER</sup>**  
Zebaoth/das ist/ein Got der heerfart oder heerscharen/der ymmer  
krieket vnd in vns zü feldeligt.

Derhalben dürffen wir vber die massen wol/das wir eynen ge  
nedigen Got haben/der vns helfen kan/Vnd nit allein das/son  
der müssen auch gewiß vñ sicher seyn/das er vns on zweyfel gne  
dig sein vnd helfen wolle. Wie können wir aber des gewis vnd  
sicher seyn/wo er vns nit ein gewis vngeweyfelt zeichen gebe sey  
ner gnad vnd liebe gegen vns/ Wer kündte es sunst erraten/was  
er gegen vns gedecht. Das hat er nu hie mit dem Sacrament ge  
than/vnd vns ein gewis zeychen seyner liebe vnd gnade gestellt.  
Den das Sacrament ist ja kein zeichen seyner zorns/vnd er wurd  
es vns nymer mer geben/wo er mit vns zürnet/ Sonder es ist ein  
zeychen seyner höchsten liebe vnd grundlosen barmhertzigkeit.  
Vnd wie kan er höher liebe vnd tieffer barmhertzigkeit erzeygen/  
E

dem das er vns warhafftig da gibet seyn eygent leib vnd blüt zur speyse! Das nit alleyn ein gnedigs zeychen/sonder auch ein speiße seyn sol/als damit wir vns laben vnd stercken sollen/alle die in seinem heer mit jm zu selbe ligen/Vnd ist eigentlich der sold vnd prouant/damit er sein heer vnd kriegß volck besoldet vnd speyset biss sie entlich obligen vnd das feld behalten mit jm. Des ist gute münz/köstlich rot gold/vnd rein weiß silber/niedlich/sehön brot vnd güter süßer weyn/Vnd des alles die fülle vnd reichlich vol auff/das gar lieblich ist in diser heersart zu seyn.

Sprichst du aber/Ja S. Paulus machts zumal schrecklich 1. Coynth. 11. da er spricht/Wer vnwürdig von disem brodt isset/vnd von disem kelch trinckt/der isset vnd trinckt ein gericht/vnd ist schuldig am leybe vnd blüt des **HEILIGEN**/Damit macht er vns blöd vnd schuchtern zum Sacrament. Dañ wer ist/der sich würdig achten könne! Antwort. Ey lieber/sihestu anch/wider welche S. Paulus redet! Nemlich wider die/so als die sero her eyn fielen/vnd auß dem Sacrament ein leyblich gefresse machten/vnd nicht anders handelten/den als sunst ein täglich brodt vnd weyn/dazü vnternander verachten/vnd ein yeglicher ein eygens mal hielt. Wir aber reden von denen/die es glauben/das nicht ein sero mal sey/sonder der warhafftig leyb vnd blüt Christi/vnd die da wissen/das Christus eyngesetzt hat zu seynem gedechtnus vnd vnserm trost/Vnd gern wolten auch Christen sein jren herrn loben/dancken vnd ehren/dazü auch gern wolten sein gnad vnd liebe haben/vnd fürchten sich jrer person vnd vnwürdigkeyt halben/vnd bleiben also dauon/durch solche falsche forchte gehindert vnd abgeschreckt.

Lieber/du müßt nicht auff dich sehen/wie würdig oder vnwürdig du sehest/sonder auff deyn notturfft/wie du der gnaden Christi wol bedarffest/Wenn du die notturfft sihest vnd fülest/so bist du würdig vnd geschickt gnüg/dañ er hats vns nit zur gifft oder vngnaden/sonder zu trost vnd heyl eingesetzt. Vor allen dingen aber müßtu ansehen/das gleich wol deyn herr Christus/wie vnwürdig du bist/alkzu würdig ist/den du loben/ehren vnd dancken solt/vnd sein ordnung vñ stift(wie d oben gesagt) helffen handhaben/wie du jm schuldig bist/vnd in der tauff gelobt hast/Das

deyn hertz sol also dencken/Wolan/ich bin unwürdig/das Sa-  
crament zu empfaben/so ist meyn Herr Christus deste würdiger/  
das ich jm damit dancke vnd lobē / vnd seyn stift ehre / wie ich  
schuldig bin vnd gelobt hab in meyner tauß/Vnd abermal/Bin  
ich unwürdig / so bin ichs aber nottürfftig / Wer betteln wil / der  
müß sich nit schemen/Scham ist ein vnütz haufgeschind in eines  
armen betlers hause. So lobet Christus auch selbs eyner vnuer-  
schampthen geiler/Luce. 11.

Sihe/also hastu den zwo güte weyse vnd vsachen das Sacra-  
ment zu empfaben. Die erste/das du Christo damit danckest vnd  
lobest/Die ander/das du für dich anchtrost vñ gnad holest. Dis-  
se zwo weyse können nit böse noch mißprauch sein/sonder müssen  
recht sein vnd Got wolgefallen. Dan gegen Gott können wir nit  
mer handeln/den auff zwo weyse/nemlich/mit dancken vnd bit-  
ten/Nit dem danck ehren wir in vmb die güter vnd gnaden/die  
wir schon bereyt empfangen haben/Nit dem beten ehren wir in  
vmb die güter vnd gnaden/die wir hinfürt gern hetten.Dan wer  
solcher meynung zum Sacrament gehet / was thüt der anders/  
den als spreche er mit der that! Herr ich dancke dir für alle deyne  
gnade mir gegeben / Vnd bitte weyter/wöllest meyner nottürfft  
noch mer helffen / Das ist sacrificium laudis et sacrificium oras-  
tionis. Mer kanstu Got nit thün/noch höher ehren.

So sihe doch/wie ein fein Sacrament das ist/da du zu gleych  
für die vorigen gnade danckest/vñ vmb die zukünfftigen gnaden  
bittest. Wer kan aber ymer mer gnüg dancken vñ bitten! Darumb  
ist ja hie kein vsach/laß vnd faul zu werden/sonder eytel bün-  
stige heffstige reizung/das man das Sacrament ja gern mit lust vñ  
freuden empfaben sol. O hetten die lieben Propheten vñ alte Vä-  
ter solch Sacramēt alleyn sollen sehen vnd hören/wie solten sie so  
frölich vnd begirig dazu gewesen seyn / Wie solten sie sich vnser  
verwundert haben/das wir solche selige leutte gegen sie weren.  
Aber wie wee solts in auch widerumb gethan haben/wen sie sol-  
ten gesehen haben/das wirs so schendlich verachten/Aber noch  
vil werfer solts in gethan haben/wen sie gesehen hetten den ver-  
fluchten gewolichen jarmarck / den die Papisten vñ Sophisten  
drauß gemacht haben/mit winckelmessen vnd dergleychen.



Darumb sihe ja zu/das du dis Sacrament nit anders/dan di-  
ser zwo weyse prauchest/Nemlich/auff danckweyse vnd betwey-  
se. Opinioe laudis et precis. Vnd hütte dich vor der Papisten  
grewel/die machen ein opffer drauß/damit sie nicht dancken für  
die vorigen gnade/Sonder als mit eynem werck die künsttügen  
gnade erwerben vnd verdienen wollen/dazü nicht für sich selbs/  
sonder auch für andere/welchen sie solch opffermesse verkauffen  
wie wir droben gehörit haben. Aber du solt im Sacrament Gott  
dancken vnd helffen loben/für die vorigen gnade/sonderlich die  
dir in Christo erzeygt ist/vnd begeren vnd bitten vmb künsttüge  
gnad für deyne notturfft/So wirstu keynen jarmarckt noch ver-  
dienst drauß machen können/den du andern mitteylen oder ver-  
kauffen mügest/Ein yeglicher müß hie für sich Got dancken vnd  
beten mit allen andern.

So vil wil ich dis mal den Predigern/so es nit besser wissen/  
angezeigt/vñ daneben gebeten haben/das sie solchs wolten helf-  
fen wol in das volck treiben vnd außstreychen. Denn ob wol et-  
liche verstockte vnbüßfertige rohe leut solchs nit achten werden/  
so würdts doch bey vilen frucht schaffen. Wie man spricht/Eyn  
güt wort findet ein güte stet/Vñ Got selbs spricht/Isa. 55. Mein  
wort sol nicht lár wider kummen/sonder aufrichten/dazü ichs  
sende. Wo aber derselbigen verechter etliche funden werden/die  
sich an solche vermanung nit keren/darüber das Sacrament bey  
gesundem vnd lebendigem leybe nit prauchen/Da sol man auch  
an jrem tod vnd letzten ende sie lassen ligen/vnd das Sacrament  
nit geben. Haben sie gelebt wie die hunde vnd sew/so laß man sie  
auch sterben wie hunde vnd sew/Es sey den/das sie gar starcke  
zeychen eyns rewigen glaubigen hertzens beweysen. Dan wir sol-  
len das Heyligthum nicht den hundē geben/noch die Perlen für  
die sew werffen/spricht Christus. Vnd Gott wirt auch selbs mit  
zü schmeysen vnter solche verechter/das sie des abents mal Chris-  
ti nicht werdt seyn/noch genießten müssen/Danon will ich hie  
ein exempel erzelen/das vnlangest geschehen ist in der statt Tors-  
gaw/da man des noch kan/beyde Pfarherr vnd Caplan zü zeu-  
gen haben.

Es ist auch ein solcher man gewest/des namen ich nit nennē

wil/der in sechs oder sibem jaren nit zum Sacrament gangen ist vnter dem schanddeckel der Chrißlichen freyheyt/vnd solchs auff geschoben vnd gesparrt bis in seyn tranckheyt/vnd in derselbigen dazü auch noch verzogen/bis das stündlin daher kam. Als er nu seynes lebens ein end zü füllen begundt/so dert er den Caplan/vnd bat vmb das Sacrament. Da der Caplan das pringet/vnd im yetz in den munde reycht/feret die seel auß/vnd leß das Sacrament auff der zungen in offnem maul/das es der Caplan müß wider zü sich nemen/Als aber ein ekel war/das ers nemen solt/vñ mich fraget/wo ers hin thün solt/hies ichs in mit feur verprienmen. Lieber/laß dir das ein exempel vnd zeychen seyn/das du nit so rohe dahin lebest/ob du wol yetz zum Sacrament nit gezwungen bist Kanstu Got verachten in seynem Sacrament? Er kan dich wider verachten/in deynen nöten/wie er spricht/Prover. 1. Ir habt alle meynen güten rat verachtet/so wil ich ewer wider spotten in ewim verderben zc. Vnd ist auch recht/das der/so ein Chriß sein wil/vnd solchen namen nit schänden füret/das er das Sacrament nit wil prauchen/wen er wol kan/sol ers auch nit prauchen wen ers gern haben wolt.

Vñ/das ich darumb wöl yemandt zum Sacrament nötigen oder zwingen/noch gepot oder zeyt setzen/wie der Bapst gethan hat/den Got mag keinen gezwungen diener haben/Vñ weniger wil er yemant on seinen danck etwas geben/sonder ich wolt gern damit vermanen/das sich ein yetzlicher selbs zwunge/vnd auß eygner andacht sich selbs nötiget/solchen lieben edlen scharz der seelen zü holen/Vnd daneben anzeygen/wie billich Got des ein groß mißfallen habe/das man seyne angeboten gnade vnd güte so schentlich verachtet/obs helffen wolt/das die leute on zwang vnd gesetz lerneten Gottes gnad zü suchen vñ zü empfaben. Dan solche grosse verachtung vñ vndanckbarkeyt wol grössere straff verdienet/dan die ist/das eyner des Sacraments endtlich emporen müß/als den gewißlich auch vil grössere folgen wirt.

Den dencke du selbs/wie ein vngeschickt verzweyfelte verachtung vñ vndanckbarkeyt das ist/vorhin vnter dem Bapstum/dar wir zum Sacrament gezwungen vnd getrungen wurden/lieffen wir mit hauffen hinzü/müßten dazü gelt gnüg d:umb geben/vnd

alles theür kausffen/ Vnd man doch vns mit mer den das halb Sa-  
crament/ einerley gestalt gab/ Vnd das noch erger war/ wir mü-  
stens mit hollen zü vnserm nutz noch zü Gottes ehre/ sond schlechte  
das man dem Papsst gehorsam were/ als mit eynem frondienst.  
Den er fragt mit vil darnach/ was wir nutzges/ oder was Got für  
ehre dauon hetten/ Die seynen predigeteten vnd lereten es auch nit  
sonder das sucht er alleyn/ wie grossen gehorsam er bey vns ha-  
ben möcht/ Ja mit vnserm schaden müsten wirs hollen/ beide an  
leyb vnd seel. Den da ward nichts vom glauben geleret / sonder  
es müst ein werck seyn/ damit man gegen Got wolthet/ darunter  
der rechte prauch/ nutz/ vnd frucht des Sacraments verporgen/  
vnd vns geraubt ward.

Jetzt aber/ so mans nit alleyn omb sunst hat/ sonder auch den  
rechten prauch leret/ vnd summa/ zü vnserm nutz vnd Gottes ehren  
prauchen kan/ stellen wir vns so etel vnd schentlich dazü/ als we-  
ren wir mit menschen (ich wil schweygen von Chusten) sondern  
als weren wir stöck vnd steyn/ die es nichts bedürffen/ vnd vns  
gar nicht angienge/ Was solts denn wunder seyn/ das vns Got  
auch widerumb plagte vnd straffte/ Ja weyl wir Chusten heys-  
sen wollen/ vnd vns so verechlich vnd lesterlich gegen vnsern  
heyland zieren/ so were es keyn wunder/ das vns Gott on auff-  
hören plagete/ mit theür zeyt/ pestilenz/ krieg vnd allem vnglück  
Denn was sol es doch seyn/ das wir auß so grewlichem gefenck-  
nis der seelen/ vnd auß des Papsst stricken/ so gnediglich erlö-  
set sind/ vnd dazü vns solche reiche gnaden angepotten wirt/ Aber  
wir nicht alleyn für solche erlösunge nicht dancken/ sonder auch  
der angepotten gnade gleych spotten/ als eynes vnnötigen vnnü-  
gen dinges.

Darumb spreche ich von Gottes wegen billich/ Wiltu nicht  
essen vnd trincken von meyner abendmal/ das ich dir so hertz-  
lich wol zü gericht/ so will ich dir widerumb auch theür zeyt zü-  
schicken/ das du weder abendmal noch morgenmal finden solt.  
Bistu so satt/ das du meyner speyse nit magest? So wil ich dich  
hungerig gnüg machen/ das du auch deyne speyse nicht haben  
solt. Wiltu nicht haben das brot des lebens/ das ich dir so reich-  
lich dar biete/ so hab dir Pestilenz/ sieber/ vnd allerley krankheyt

vnd stirb ymmer zum teuffel hyn. Wiltu nicht das Sacrament  
der liebe/der gnade/vnd des friden/die ich dir drinnen schencke/  
so hab dir krieg/zwiracht/vnfride vnd alle vnruhe. Denn was  
sol doch Got vns anders thun? Wie kan ers leyden/das seyne ges  
tad/ymer für vnd für ye lenger ye mer veracht/vnd die vnd anck  
barkeyt ymer grösser wirt/vnd hats doch so theur erworben/vnd  
seyne eygen sün dumber lassen creuzigen. Er müß dieyn schlaz  
hen/vnd alle plage lassen vber vns gehen/wie es dan schon an  
fahet vnd daher gehet. Wir zwingen vnd dringen in zu zorn/das  
er müß seyne gnade auffheben/vnd vngnade lassen walten/Er  
kan für vnser vnableslichem verachten vnd vnd anckbarkeyt nit  
anders thun.

Wolan/ich will das meyne gethan haben/vnd die Prediger  
trewlich gebetten haben/das sie mir hierynn fleysig helfen an  
halten/damit wir doch nicht so gar vberaus den zorn Gottes  
reyzen/On zweyfel/es werden etliche frumme hertzen solchs an  
nemen vnd sich bessern/Der andern halben wil ich entschuldigt  
seyn/ir blüt sey auff irem kopff/Es ist in gnugsam gesagt. Der  
selbige Got aller gnaden vnd barmhertzigkeyt/verleyhe vns sey  
nen heyligen Geyst/der vns erwecke vnd vermane/mit ernst zu  
suchen seyn ehre/vnd mit aller andacht des hertzen zu dancken/  
für alle seyne vnzelige vnaußsprechliche güter vnd gaben/durch  
Ihesum Chrustum vnsern Herren vnd Heyland/Dem sey lob vñ  
danck/ehre vnd preys in ewigkeyt Amen/Amen.

Bedruckt zu Nüremberg  
durch Künigund  
Bergotin.

1734371

OCN 84401527

Faint, illegible text, likely bleed-through from the reverse side of the page.

Second block of faint, illegible text, also likely bleed-through from the reverse side.

Geometrische Optik  
von  
Johann Samuel Saur

4